

敬業堂詩集

冊

一

卷之五

敬業堂詩集

四倍補要

四部備要

集部

上海中華書局據原刻本

校刊

桐鄉

陸費逵總勘

杭縣

高時顯輯校

杭縣

吳汝霖校
丁輔之監造

原序

老友海昌陸先生辛齋嘗攜其愛壻查夏重詞一卷見示且曰此子名譽未成
冀先生少假借之弁以數語其時余官曹署冗俗碌碌未及爲也及余轉官司
成則夏重與其弟德尹後先入成均余乃得以一日之長臨之德尹旋與友人
入粵而夏重肄業橋門離經鼓篋魚魚雅雅弱不勝衣近是黃叔度一流乃其
詩若文則又滂葩稟兀奔發卓犖蛟龍翔而虎鳳躍今之詩人或未之能先也
然且深情獨寫孤韻一往令人諷詠徘徊而不能已蓋夏重旣辛齋玉潤且爲
吾友勉齋黃門猶子仍世通顯胚胎濡染昔人有云半千孫固應爾姚江黃晦
木先生常題目其詩比之劍南余謂以近體論劍南奇創之才夏重或遜其雄
夏重綿至之思劍南亦未之過當與古人爭勝毫釐若五七言古體劍南不甚
留意而夏重麗藻絡繹宮商抗墜往往有陳後山元遺山風後山凌厲峭直力
追絕險遺山矜麗頓挫雅極波瀾吾未敢謂夏重所詣便駕前賢然使起放翁
後山遺山諸公於今日夏重操螯弧以陪敦槃亦未肯自安魯鄭之賦也且夏

重學有本根斷斷自愛子瞻曰一時文人如魯直補之無已文潛少游吾未嘗以師資自處皆以朋友待之而吾乃以一日之長臨夏重乎顧屈指同學其才可到昔賢者正復無幾蘇門諸君子與放翁後山遺山皆名節自持凜凜有國士風蓋有重於詩文者而詩文益重吾方處夏重於諸公之間正以其詩而又不取限之於詩也去冬余奉使南海夏重操長歌送行且以詩集序見屬歸而夏重慎旃二集已哀然成卷帙矣余既已諾昨者之請重憶辛齋疇昔之言時已臥病請假匆匆戒道尪驢在側僕夫俶裝援筆以完宿約蓋於夏重與夏重之詩皆有不能自己於言者夏重其益勉之異日相見其必有更進乎此者矣

濟南王士禛序

己未春余奉命撫黔陽而同邑查子夏重短衣挾策自吳涉楚追及之於荆江夢渚之間其時疆場未啓豺虎塞塗余提戈束馬自銅仁間道崎嶇谿谷崖箐孤軍轉戰一旅深入帳下健兒能從者不過數十人而夏重獨慷慨與俱經年而後抵貴治相與仰視飛鳶俛蹈荆棘烽火晝紅簫笳夜咽未嘗一日不同

之也軍府初開書檄旁午調遣徵發將伯助余倉卒肆應又兩年始定夏重則去余歸里往謁其觀察世父於鄱江焉夫以白面書生年未及壯弱不勝衣骨稜稜出衣表乃能骯髒自喜如此則已齷齪豎儒異矣顧復戎旅之頃不廢吟嘯握槊賦詩磨盾草檄軍中有傳修期旣隱若敵國兼得陶寫歲月瘴雲如墨毒草搖風以賦詠當悲歌浣花工部不履行行間淮蔡軍諮羌無篇什庶幾小益之戎裝競傳劍南之詩句藻采橫飛綺思豔發抑又多焉何其壯也今年夏重入游太學而余適膺 召命歸佐夏官因復留之邸舍夏重乃哀其行旅之詩梓之問世其豫章之吟別爲一集題曰慎旃蓋取詩人行役之義且屬余爲弁語夫詩人有言維予與汝往者貴竹之日余與夏重真同蜚駟回首蠻烟驚心駭魄歷歷如在目睫序夏重之詩非余又誰屬也因爲纂述舊遊書之卷首若夫齊紈未貴菱歌萬金夏重業已狎主齊盟又無埃余稱說矣同里楊雍建序余賣藥海昌查子夏重屢有詩疇和尋其佳處真有步武分司追蹤劍南之堂奧者夫今人卒業兔園孰不以風流自命左揆右攜東綆西緝都欲駁正李杜

之瑕璽元白之卑弱爲漢爲魏爲陶爲謝目空千古苟從旁細覈正如揚灰萬斛求半銖銅鐵且不可得況於金乎此所以深歎於才難也夏重視彼猶孤鳳獨鶴翱翔於百鳥雞羣中可謂橫絕一時者矣復能謙退以好善微特不敢輕議古人抑有味乎水樂樵歌俱將引爲筆墨之助此非取法淺陋也惟其知作者苦心一字一句莫不有深意於其間若屬目龕浮矢口妄論真耳食吠聲徒作撼樹蚍蜉爾夏重是編自己未至壬戌四年間水陸萬里往來楚黔之什山川詭變與江浙殊絕苗蠻風俗與鄉土迥判加以亂離兵革之慘饑荒焚掠之餘天寶詩人所不及覩投荒遷客所未曾歷者聚斂筆端供其驅使寧樊籬鷄雀可望其項背哉吾因是而更有慨焉使夏重據龍山之田數頃桑柘茂浥池有魚園有果牛宮豕柵靜謐於先人之舊廬兄弟相爲師友必沈酣經史守先以傳後無疑也乃歷鹿舟車蹭蹬亭皋卽耳目之聰明足發其誕幻然於青燈四庫不能無夢寐焉雖然麻姑年少將見蓬萊揚塵不難返海外之逸書使歸學宮搜龍宮之祕圖傳諸人間斯蠹粉陳言又奚足云剡中老友黃宗炎纂

夏重自黔歸哀其三年往反道路之詩自題曰慎旃集吾友黃晦木先生喜而序之爲獎許其所已至而勉惜其所未至晦木夏重尊人逸遠畏友憫然以古道自處夏重旣拜而登之集矣今年余偶來燕臺夏重方客燕未返其同學友人欲梓其集燕中乃過余而請曰小子不幸早失怙恃舍其先人之廬奔走四方冀以續食晦木先生所云青燈四庫杳然夢寐斯集所留與嶺猿瘴鳥相爲和答勞者易歌不自知其言之長也然而山川登涉動魄驚心追思昨夢讀之而怵怵心悸不欲便付摧燒姑應友人之請丈人亦有以終進之乎余應之曰子之詩自附於陟岵詩人之義夫亦知詩人之根抵乎夫陟岵之詩人疲勞困頓晨夕不遑而於父母兄弟三致思焉忠孝悱惻之懷詠歎淫泆而不能自己此固風雅之本原而非流俗之詠唱也今之稱詩者挾持唐宋頌酒爭長各爲門戶余竊以爲皆非也夫詩何分唐宋亦別其雅俗而已古之詩人其志潔其行芳自託於芝蘭芳草而絕遠蕭艾故雖至坎壈失職卻曲於傾軛駭駟之途而耿介特立終不移於積俗以此求之陶彭澤杜浣花之流操持卓犖磊砢傲

兀凜凜皆有國士風故其爲詩迥然自遠於俗卽白分司諷諭閑適諸篇言近指遠一唱三嘆真得風人之遺與元亮子美同其根抵而不知者妄謂之俗嗚呼耳食拘墟之徒又豈足與論六義之旨趣乎夏重稟承庭訓濡染家學反覆四始之際旣已有年一旦遠涉江湖崎嶇貴竹發而爲詩依然陟謁之思晦木老友以爲上武分司而下追射的一言爲智知其不輕借游揚也且晦木以父執登堂門庭無恙牛宮豕柵橘圃魚陂俛仰流連乃更以青燈四庫欲廣夏重之意夫亦以先人手澤存於縹緗卷帙間冀使無忘其根抵爾夏重勉之歲月易遷盛年不再計夏重挾策遠遊之年正與余抱痾焚研之歲等雙丸轉轂余已素髮被領老大空悲了無可紀夏重詩已見許前輩春華之藻恃本根之不拔耳根之盛者其枝幹日益繁慎旃之詩夏重之本末存焉無俟訪逸冊而搜祕圖益保其陟謁之思而已輒以此勉夏重且請更質諸晦木冰叟陸嘉淑序慎旃二集者吾友查子夏重遊豫章之詩也初查子自己未遊黔至壬戌而歸名其詩曰慎旃集今自癸亥遊豫章至甲子而歸復名其詩曰慎旃二集蓋皆

取孝子行役不忘其親之義也嗟乎查子乎遊乎而欲慎旃乎古昔盛時民有恆產士有常糈負耒橫經溫清定省安所事遊其偶有遊者不過賢勞王事耳故孝子行役而得以慎旃自勉至春秋戰國之世而士以遊名朝秦暮楚已有不遑言慎者矣然孔子曰遊必有方孟子曰人知之亦囂囂人不知亦囂囂則是遊亦未嘗不得慎也天變人窮最困者莫如四民之首饑來驅我急何能擇其尙能有方乎曳裾無門投筆安往其尙能囂囂乎於此之時而欲慎旃難矣且夫查子之遊豫章也鄱陽之險不若洞庭之惡也洪都之近不若鬼方之遠也六月之暫不若數載之久也舊遊詞客往還唱和之樂不若蠻獠寇賊戰爭殺戮之慘也較之遊黔之役又似可以無慎而查子慕親之誠守身之孝每念不忘用名其集余於是而歎陟岵詩人何代蔑有決不得以古今時地限也世衰學喪風雅道淪言宋言唐言魏言漢紛紛聚訟之徒類皆飲潘拾唾正如家僮路乞各張勢豪所有以相矜詡而不自知其妻孥安在彼豈不聞虞廷言志之說哉勢利薰溺情性銷亡隻句單詞譁世取寵自謂言志而其實無志之可

言也得查子慎旃之意而振之登山臨水感時詠物吊往驚離無往而非不忘其親之心所寓楊用修謂詩須有爲而作蓋自三百篇而降屈大夫陶彭澤杜工部千古俱有同旨寧謂風雅一道不可自此而復續乎彼區區以韓歐蘇陸之間擬之者猶皮相矣余病留京邸因懷岵岵之望不欲受人牢籠間或自鳴其酸苦遇塵堆糞壤之人輒祕不使見唯查子與一二故交至始出與誦之暑退秋來襍被南返查子過別索序此編長吟低諷慨然喜其與余有合也易曰同聲相應余其能無言哉同學弟鄭梁題於燕京旅次

敬業堂詩集序

夏重之重于人與人之重夏重者豈獨以詩哉其在家庭也愉婉承歡善繼其尊人逸遠先生之志與諸第一堂師友砥行立名至于義方垂訓慈而彌嚴長若幼皆能自樹立倡隨之誼食貧相莊悼亡一賦終其身不再娶其飭躬于內也如此其立朝也著作承明出入

禁闈者十年

天子嘉其勤慎卿尹服其恬雅年甫六十四遽移疾還家其於進退之際又如
此則夏重之足重于人與人之重夏重者固自有在不獨以詩也明矣即
內論其詩亦恢之以學問深之以涵養且歷覽宇內之名山巨川以達其氣
裕其神而擴其耳目之聞見即物寫懷皆其忠孝友愛至性至情之所蘊
蓄而流露初非規規焉爭能于聲律字句間也平生所作不下萬首今手
自刪定起己未迄戊戌凡四十八卷取隨

駕山莊時

御書賜額名曰敬業堂集乞余一言弁首藏諸家余與夏重生同里重以昏姻
晚又出余門下自其少時伏處海濱迄三十歲以後游學京師歷仕歸田
數十年如一日世之知夏重者孰余若遂不辭而為之序修陶菴先生夏
重舉京兆時同年友也既而同直

內廷晨夕數年填箎唱和儕輩皆一時之選而其伏膺者惟夏重一人丙申
冬出撫東粵夏重走訪之臨別捐俸囑刻其詩以問世是夏重之見重于
陶菴與陶菴之重夏重者跡雖重其詩實不獨以詩重也世之讀夏重詩
禁者以衰朽或不足信請試質之陶菴先生

康熙五十八年己亥秋七月朔洛溪衰朽許汝霖序

夏重之重于人與入之重夏重皆豈獨以詩詩其由宋與出謝微承燭善

敬業堂詩集總目

第一卷

慎旃集上 古今體詩八十五首

第二卷

慎旃集中 古今體詩九十一首

第三卷

慎旃集下 古今體詩七十七首

第四卷

遄歸集 古今體詩九十一首

西江集 古今體詩八十四首

第五卷

踰淮集 古今體詩五十九首

第六卷

假館集上 古今體詩六十四首

第七卷

假館集下 古今體詩六十九首

第八卷

人海集 古今體詩八十九首

第九卷

春帆集 古今體詩六十六首

第十卷

獨吟集 古今體詩七十六首

第十一卷

竿木集 古今體詩五十五首

題壁集 古今體詩六十首

第十二卷

橘社集 古今體詩六十四首

第十三卷

勸酬集 古今體詩九十三首

第十四卷

愔城集 古今體詩九十一首

第十五卷

雲霧窟集 古今體詩七十三首

第十六卷

客船集 古今體詩二十九首

並轡集 古今體詩四十三首

第十七卷

冗寄集 古今體詩六十三首

第十八卷

白蘋集 古今體詩三十五首

秋鳴集 古今體詩五十二首

第十九卷

敝裘集 古今體詩三十四首

酒人集 古今體詩七十五首

第二十卷

游梁集 古今體詩九十七首

第二十一卷

皖上集 古今體詩六十一首

第二十二卷

中江集 古今體詩七十三首

第二十三卷

得樹樓集 古今體詩八十九首

近遊集 古今體詩二十四首

第二十四卷

賓雲集 古今體詩四十四首

第二十五卷

炎天冰雪集 古今體詩三十五首

垂橐集 古今體詩四十二首

第二十六卷

杖家集 古今體詩六十五首

第二十七卷

過夏集 古今體詩七十四首

第二十八卷

偷存集 古今體詩十七首

緡經集 古今體詩八十一首

第二十九卷

赴召集 古今體詩九十七首

第三十卷

隨輦集 古今體詩一百十四首

第三十一卷

直廬集 古今體詩一百二十四首

第三十二卷

考牧集 古今體詩一百四首

第三十三卷

甘雨集 古今體詩四十三首

第三十四卷

西阡集 古今體詩六十二首

迎鑾集 古今體詩四十六首

第三十五卷

還朝集 古今體詩八十首

第三十六卷

道院集 古今體詩七十三首

第三十七卷

槐蓀集上 古今體詩九十八首

第三十八卷

槐蓀集下 古今體詩九十七首

第三十九卷

棗東集 古今體詩一百八首

第四十卷

長告集 古今體詩一百七十二首

第四十一卷

待放集 古今體詩一百五十九首

第四十二卷 古今體詩一百六十二首

計日集 古今體詩七十九首

第四十三卷 古今體詩一百八首

齒會集 古今體詩一百二十八首

第四十四卷 古今體詩一百二十首

步陳集 古今體詩一百二首

第四十五卷 古今體詩六十八首

吾過集 古今體詩六十四首

第四十六卷 古今體詩五十三首

夏課集 古今體詩四十五首

望歲集 古今體詩五十首

第四十七卷

粵游集上 古今體詩八十四首

第四十八卷

粵游集下 古今體詩一百五首

第四十九卷

餘波詞上 長短調一百二十二首

第五十卷

餘波詞下 長短調一百一十一首

敬業堂詩集總目

敬業堂詩集 總目

五 中華書局聚

敬業堂詩集卷一目錄

慎旃集上

遊燕不果乃作楚行
留別仲弟德尹二首

訓別盛鶴江徐淮江程禹聲次禹聲原韻

京口和韜荒兄

曉發梁山

贈胡星卿先生胡之先東川侯海其子觀尙南康公主

題王璞菴南北遊詩卷

登金陵報恩寺塔二十四韻

金陵雜詠二十首

蕪湖關

題余鴻客金陵覽古集

曉出菽港喜雨

銅陵太白樓同韜荒兄作二首

遊兵營

那刹磯弔黃忠節公

雨後渡攔江磯

小孤山

皖口

路灌溝阻風

過鄱陽湖口望大孤山次黃伐檀舊

韻

蘄州道中

漢口

漢陽晴川閣

安國寺東荷池上

漢江舟夜

漢川道中紀所見

渡百里湖

洪湖

沔陽道中喜雨

初入小河

將至玉沙舟中述懷呈家季叔二首

玉沙即事二首

初得家書

與韜荒兄竟陵分手兄至荊州余往監利滯留且一月矣作詩以寄

從監利至荊州途中作

初至荊州韜兄出岳家口留別絕句

見示和一首

呈大中丞楊公二首

重陽後六日奉陪中丞公登龍山落帽臺次原韻

荊州與楊語可別

荆南秋盡野鶴羣飛楊公有詩屬余

並作

荆人田芝來年老好事所居城南隅

瓦屋三楹小庭曲砌雜蒔花竹性喜蓄錦石貯以瓷盆清泉涵之因狀命名乞余分詠余以其名不雅不欲作詩重違其請賦一章以示意

初冬登南郡城樓

寒夜次潘岷源韻

雪後

荊州雜詩六首

洪武銅砲歌

荊州護國寺古鼎歌

渡荊江

白楊堤晚泊

公安道中

過龍陽縣

晚泊安鄉縣六韻

渡洞庭湖四十韻

蠟梅和中丞公韻

武陵除夕

敬業堂詩集卷一目錄

...

...

...

歐陽文忠公集

...

蘇東坡詩集

...

...

...

...

...

...

...

...

...

...

...

敬業堂詩集卷一

海寧 查慎行 悔餘

慎旃集上 盡己未一年

己未夏同邑楊以齋先生以副憲出撫黔陽招余入幕時西南餘寇未殄
警急烽烟傳聞不一而余忽為萬里之行其在陟岵之詩曰尚慎旃哉由
來無棄夫當行役之時不忘父母兄弟而終以危苦之辭讀其詩者傷其
志焉余不幸早失怙恃終遠兄弟麻衣被體瞻望漣洏因取慎旃以命集
自勵也亦以慰予季也自己未迄壬戌首尾三年凡如干首釐為三卷

北道初停轍南轅未息戈一門初約變岐路獨行多不是彈箏客誰為擊楫歌
也知田舍好壯志恐蹉跎

留別仲弟德尹二首

形影何當出處分君應憐我我憐君孤雲出岫寧無意獨雁衝寒奈失羣門戶

全生終碌碌兵戈絕徼尙紛紛虎頭分少封侯骨投筆聊從萬里軍

雞聲驚起對床眠纔說江關便黯然與爾未曾遠別得歸難定是何年渡江
風物悲元亮懷土人情感仲宣瓦屋三間門兩版頻煩爲我掃東偏

訓別盛鶴江徐淮江程禹聲次禹聲原韻

輕橈夾岸柳穆穆短笛長亭最不堪江路恰逢鴻雁北山程遙指鷓鴣南異時
對酒懷重五同調關心記兩三此去湖湘烟水闊鷗波長自夢春潭

京口和韜荒兄

江樹江雲睥睨斜戍樓吹角又吹笳舳艫轉粟三千里燈火沿流一萬家北府
山川餘霸氣南徐風土雜驚沙傷心蔓草斜陽岸獨對遙天數落鴉

曉發梁山

一鈎殘月吐仍銜薄霧濛濛著布帆行過天門天未曉風來東北路西南

贈胡星卿先生胡之先東川侯海其子觀尙南康公主

棨戟侯門奕葉光可能無意感滄桑草廬望重名賢宅竹苑年深貴主莊滿地

秋瓜仍爛熳渡江春燕只尋常白頭一老鍾山下筋力猶看八十強

題王璞菴南北遊詩卷

我初未見聞君名十年懷抱一夕傾眼中指顧空豪英乃欲以詩鳴不平蓬累
時作蒼茫行江南江北無期程流離滿前皆孩嬰道傍見之淚縱橫爾生其間
一蒼生補救敢與乾坤爭俛今仰古氣孰櫻長篇倚劍頃刻成東將入海手掣
鯨嘲弄花月非人情余從涉江來舊京足所遊歷手勿停君詩直壓小謝城如
以六國當秦兵聳肩維誦作大聲煌煌高燭燒長檠須臾街鼓報五更紅日欲
吐東方明

登金陵報恩寺塔二十四韻

不盡興亡恨浮圖試一登孤高真得勢陡起絕無憑法轉風輪翅光搖火樹燈
地維標寶刹天闕界金繩碧落開千里丹梯轉百層規模他日壯感慨至今仍
禍自歸藩啓兵從靖難稱比戈殘骨肉問罪假疑丞袞冕俄行遜戎衣遂謁陵
朝家同再造國事異中興此舉無名極當時負媿曾兩京雄岳峙一塔鎮觚稜

銖兩材俱稱纖毫辨欲矜琉璃紛紺碧欄楯落鮮澄事本誇餘力基猶念丕承
監宮留太子給俸濫千僧原廟衣冠冷豐宮獻卜增侈心崇梵竺神道託高曾
世往疑經劫人來乍得朋同登者
六人雲烟爭變幻日月幾升緺絕頂盤旋上虛窗
偏仄凭近身棲怖鴿側背躡飛鵬勝境才何有高歌氣或騰鍾山青入望相對
故峻嶒

金陵雜詠二十首

并序

僕年三十始至舊京路近一千還同異域感生涯之已晚歎故事之無徵彼
都人士憶南渡之風流故國山河見北邙之陵寢四百八十寺烟雨猶新三
万六千場笙歌頓歇衰羊因而狂憤衛虎所以神傷況以飄零再當搖落芳
樹攀條泪盡臺城之妓金釵插髻魂消綺閣之歌凡江干覽物之端皆遊子
言愁之什敢自信其可傳冀知音之勿罪云爾

沙漠真人本至尊青蛇罷祀出梧垣孝陵松柏猶樵牧元廟何妨有淚痕

想像承平樂事留履綦陳迹也風流輕烟翠柳今何處

明初妓
館名

十六門如十六

樓

洒掃他時屬內官鐘聲好句逼人寒御溝儘有流紅事塵壁傷心是媚蘭
夜半傳呼聚寶門金蟾嚙鎖內城昏武皇大有南遷意故遣鑾輿宿報恩
蒙溪石刻表南都形勢居然屹壯圖白馬青絲他日事倉皇曾補一毫無
妙選三家入後宮抱來馬上石榴紅胭脂不到長城外何必明妃怨畫工
武定橋欄玉磬如泠泠七尺響清虛蜀桐不發岐陽扣等是崑岡劫火餘
宗伯奩清世不知菱花初照月臨池點粧巾帽俱新樣不用喧傳鏡背詩
杏村玉樹接春華太史詩留典故家不許繡毬誇獨絕鳳臺還有紫薇花
薛鴨袁羊七箸餘江鮮風味只如初年年八月隨潮上柳貫紅腮燕子魚
粉竹香塵調不齊和來雁字鬥高低卽從紅豆徵奇麗便壓元人十四題
顛老琵琶擅教坊供筵法曲別歌章故須小技通文義垂老知音付漫郎
雷雨隨絃四座驚秀之絕調自泠泠隔簾傳語催停板頭白扶來制淚聽
昭文小楷法黃庭繡佛新詩玉琢成不及錦雲名句好斷腸芳草斷腸鶯

一月花名簇錦筵舊家手帕亦因緣曾陪盒子春檠會冷落飄燈四十年
驚足盤龍氣象吞東華扶出尙驚魂書生小膽當前破何取紛紛出大言
後村傲兀自奇才覓句曾過此地來春草不生山路白樹陰濃罩雨花臺
臥遊宗炳已傷神畫社秦淮點染新怪得江山生色少少岡老死更無人
鈔庫街頭第一坊遊人消渴試新嘗近來曲巷添茶社誰記新都是濫觴
名士年來已可嗔騎驢腰扇怕逢人李昭竹骨王郎畫難掩西風障扇塵

蕪湖關

昨日出龍江今晨抵蕪湖順風滿帆幅過關快須臾關吏責報稅截江大聲呼
舟子不敢前楫柁轉轆轤余笑謂關吏奇貨我則無聯吟三寸管壓浪百卷書
船頭兩巾箱船尾一酒壺此外更何物隨身長鬚奴吏前不我信倒篋傾筐簠
棄捐無一可相顧仍睚眦買酒例索錢迴身若責逋有貨官盡征無貨吏橫誅
有無兩不免何以慰長途

題余鴻客金陵覽古集

神傷叔寶鬢初斑詩草年年手自刪莫問六朝興廢事謝家名句有江山

曉出荻港

鞍馬習人勞舟杭令人惰所苦風濤爭孤篷坐掀簸船師喜出險拍手咲相賀
輕生涉江湖緬維神力荷詰朝風日美百里悠揚過雲峯石門奇天勢江浮大
望窮樹攢聲機靜魚趁柁琉璃千萬頃一葉點不破倒影白日深蛟龍鏡中臥
江豚忽掉尾散作鱗箇箇豁然闢詩境遠景開淡沲

銅陵太白樓同韜荒兄作二首

不盡長江萬古流吳天遼廓倚孤舟疾風捲雨過山去虹氣晴開百尺樓
我昔曾從夢見之精靈長接百篇詩豈知流落才無用猶羨宮娥捧硯時

遊兵營

茗茗指衡湘屈蟠路如蛇江天風月夜往往聞清笳尋聲向曲岸燈光出蒹葭
古哨聚遊兵汛地錯犬牙上下十數里塘迴互周遮警急一舉烽夜行禁編燧
茅屋三五間各自比建衙門前蔭垂柳屋後編籬笆恐爾本良民賦斂逃科差

居然長兒女戌久還成家炎荒屬未寧羽檄方紛拏惜哉好身手宴坐銷精華
何當鈺鼓息再見戶口加

那刹磯弔黃忠節公

天道本好生無端殺機伏惻然遜國際罹此靖難酷天下自一家諸臣義不辱
侍中初出亡乞援向誰哭勢窮繼以死初念固不欲漸漸那刹磯洵怒濤蹴
嗚呼蒙葬地乃在江魚腹賢哉翁夫人偷生不忍獨提攜及二女感激到婢僕
舉家十三口同日死江曲真難贖百身竟用全九族當時故吏士過者不敢目
藁葬同一墳翁夫人及二女合葬金陵塞洪橋北招魂倘來復易名雖兩經弘光南渡改謚文貞廟貌未嚴
肅我思鑄遺像鎮此千山麓貧賤復何言詩成淚盈掬

雨後渡攔江磯

片雨南來壓短篷迴看天北吐長虹風纔過處雲頭黑霧忽消時日脚紅遠岸
浮沈沙柳外危磯出沒浪花中扁舟一葉無根蒂唉擲吾生付枕工

小孤山

峨峨百里外烟鬟望歛矚峭颿兩日程始及抵山脚連山亘兩岸千仞排垠堦
不知渾沌來孤嶼孰開鑿初從山背望上下勢相若兩崖忽中分老牛角紛昔
向陰棲鸛鷲石齒白磊砢其陽峯面銳鵬喙高卓卓青葱起美蔭遠景翳林薄
脊骨不貯土長根自蟠錯旁觀倚崔嵬遙勢借恢擴大哉造物奇咫尺形體各
中腰神女祠紺碧架飛閣藐焉冰雪姿玉貌坐端慙小雨夜歸梁晴雲曉寒幕
神威不在猛水怪自驚選帖然率羣醜俛首受條約移舟試欲登夸險費斟酌
聳肩卻步立窘若被束縛攀躋雖未成夜枕夢已噩起來攬帶坐波軟風力弱
圓月光吐吞蛟龍恐驚攬

皖口

八卦依然列女牆一城斗大劃荆揚雨濃隔浦吳山盡風澹空江楚水長官渡
無人還繫艇客程有樹但垂楊曾經百戰東南定鼓角殘兵又夕陽

殘兵鼓角夕陽中明

初高季迪題安慶城樓詩語也

路灌溝阻風

行李先愁過吉陽
萑苻何物尙披猖
孤舟喜出兩關阻
一雨能生三日涼
紈扇雲皴山入畫
蘆花風起客思鄉
柴桑舊事吾猶記
咫尺翻嫌路渺茫

過鄱陽湖口望大孤山次黃伐檀舊韻

江長如帶瀨如襟
廬山挈領高嶽崙
大孤欲束湖口住
石脚下插三千尋
浪頭有時過滅頂
噓吸倒影影亦沈
康郎彭郎兩不妬
微步但覺凌波深
西江買兒晚泊棹
東南月上明孤斟
渚繫汀芷近楚俗
水味涓潔神居歆
羣鷗飛盡亂鴉舞
瘿藤瘦棘森成陰
天青沙白獻濃翠
恍悅余目怡余心
船頭擊汰船尾臥
末疾不受風霾淫
馬當之險幸已脫
一壺珍重攜千金

蘄州道中

設險憑全楚
江防此地遷
千家猶帶郭
獨客偶停船
天闊星如墜
江空月最先
時危憂盜賊
慘澹話當年

漢口

巨鎮水陸衝
彈丸壓楚境
南行控巴蜀
西去連鄢郢
人言紛五方
商賈富兼并

紛紛隸名藩一一旗號整駢駢驢尾接得得馬蹄騁傳傳人摩肩蹙蹙豚縮頸
羣雞叫咿喔巨大力頑獷魚蝦鯉就岸藥料香過嶺黃蒲包官鹽青箬籠苦茗
東西水關固上下樓閣迴市聲朝喧喧烟色晝暝暝一氣十萬家焉能辨廬井
兩江合流處相峙足成鼎舟車此輻輳翻覺城郭冷黃沙撲面來却扇不可屏
稍喜漢江清浣紗見人影

漢陽晴川閣

已失當年鸚鵡洲晴川高閣劫灰留苦嫌過客多題壁却吟神仙盡好樓
閣傍新創
方士書院粉堵日斜浮鄂渚蒲帆風急下黃州山根一線分江漢不遣清流混濁流

題王方喬齋壁

半捲湘簾不滿鈎大江檻外日東流碧空過盡千帆影一榻臥看黃鶴樓

安國寺東荷池上

蓮蓬味美差同藕荷葉香清似勝花懊惱休陰無一樹閉門長日坐僧家

漢江舟夜

露宿風餐兩月餘，入秋懷抱少應攄。
濃陰隔浦初疑霧，晚食投竿果得魚。
夏口帆來飛鳥外，洞庭木落早涼初。
楚天微雨瀟瀟夜，漁火分光到檢書。

漢川道中紀所見

沙岸百尺高，水落岸容槁。
火雲蒸久旱，旭日秋杲杲。
田家候雞鳴，趁伴起最早。
放閒惜牛力，飽食眠秋草。
不念婦子疲，提攜及襁褓。
桔槔遠灌田，俯仰困機巧。
單衣汗沾背，滿面塵不澡。
鑼鼓懸柳陰，兒童事擊考。
金燥草亦乾，愁聲振林杪。
土音帶蠻獠，過客不盡曉。
勞歌有訓荅，各自相媚好。
豐荒關天運，轉瞬誰得保。
民愚亦可憐，聊用慰翁媪。
對之我抱慚，饑驅空擾擾。
人言行路心，擇食苦不飽。
此意行已堅，毋爲亂懷抱。

渡百里湖

湖面寬千頃，湖流淺半篙。
遠帆如不動，原樹競相高。
歲已占秋旱，民猶望雨膏。
涸鱗如可活，吾敢畏波濤。

洪湖

漢江支流入洪口水勢舒緩地勢窪葑田中開畝千頃緯經

去聲

一一露渚牙殘

荷尚擎欹仄蓋紅蓼競吐殷鮮花鷺鷥聳肩作人立意思閒暇窺魚蝦濱湖幾
點暮烟起曬網老漁三五家海籜半閒蘆架屋黃篋十丈水占涯春漲生時隨
斷梗秋潦退後依平沙東西北南隨所向泛泛何異鷗鳧駕老漁顧我咲相荅
客行要自同棲苴我聞此言發狂咲片席飛渡蒼蒼葭

沔陽道中喜雨

一枕涼侵被朝來得晏眠江清收潦後風勁掛帆前宿雨纔如露秋雲不近天
可能涓滴意蓬勃起枯田

初入小河

魚米由來富楚鄉入秋飽噉只尋常如今米價偏騰貴賤買河魚不忍嘗

將至玉沙舟中述懷呈家季叔二首

村荒人少但寒雅夾岸蒹葭一道斜偶到不妨頻問俗既來何苦又思家愁經
零露秋前草夢吐疎燈夜半花拋却田園荒舊業并攜僮僕走天涯

勞苦官居已六年人傳綠鬢改華顛眼明稍喜流亡復城小曾蒙盜賊憐五斗粟容彭澤傲一廚酒愛步兵賢定知情話無窮在幾夜篝燈記不全

玉沙卽事二首

銀絲壓髻學盤頭少婦粧成不上樓客久語音通土俗路長征戍阻炎州蘆中

船去花搖雪柳外天低月吐鈎淨洗胭脂湖水闊荷陰閒淡自清秋

郭外胭脂湖荷花絕

感

絕少魚蝦入膳庖豚蹄隨意散塘坳雞棲茅店鴉爭食燕去遽廬鼠噉巢暗窟草深移蟋蟀晴絲露重綴蠨蛸乍來寂莫荒江曲欲賦蕪城感慨交

初得家書

九十日來鄉夢斷三千里外客愁疎涼軒燈火清砧月惱亂翻因一紙書

與韜荒兄竟陵分手兄至荊州余往監利滯留且一月矣作詩以寄

長江多蛟龍噓吸通潮汐兩人行結束惘惘將奚適維時夏苦旱千里火雲赤壓頭一扇蓬炙背等煎迫而我於其間狂吟快新獲兄詩工而遲顧我速以拙

篇成必傳示瑕纈五指摘我賞兄不疑兄領我蹙額丹砂百煉金點鐵隨手擲
文從字怪發往往到擊節續學兄貫穿懸河瀉胸膈陳言務掃蕩妙解生創闢
文章竊願學下語頗不擇兄爲啓其鑰奇正示體格經經而緯史較若分黑白
溯流止一源馳騁戒旁隙有時雜遊戲間亦事博弈枯棊紙畫局低手兩笨伯
毫末勢必爭怒容毛髮礫推枰起相詢衾枕紛狼藉幸未投諸淵俛首旋拾撫
旁觀但移晷一笑意已釋我飲僅半升兄傾可一石村沽必盡量醉語有終夕
舟子訝未聞家奴慣不嚇漢陽半月住又復事行役竟陵暫分袂謂作浹旬隔
余去向玉沙兄行指鶴澤萍蹤忽漂散踐約苦難責吾叔方南征輸將任煩劇
巨陵用兵地久滯佐籌畫西風吹客衣稍欲換絺綌冷暑啼寒蜚庭柯響撼撼
獨來閱中秋消息斷咫尺豈如孤舟夜臥起同枕席正當盛壯時長駕困短策
依回投幕府此段良可惜我年雖少兄本性奈孤僻輪困剩肝膽感憤腕徒搯
妻孥敗人意兼顧終無術鹵莽一出門何從筭游跡歸與須早計惆悵分飛翮

從監利至荊州途中作

餘恨空傳割據還青天了了隔江山對岸為華容諸山人來小雨初晴後秋在垂楊未

老間望遠易成千里隔時危敢愛一身閒荆州亦是從軍地怪得參軍語帶蠻

初至荆州韜兄出岳家口留別絕句見示和一首

竟陵小別無多日又向江陵把一樽此夕憑君談客況已如三峽聽啼猿

呈大中丞楊公二首

烏爨要荒路幾千牙門小駐且江邊時駐節荆州他年峴首沈碑會不羨龍山落帽

筵千古英雄皆史冊一時形勝又山川從今覽眺猶多暇只在披圖聚米前

樓船直下擁旗旌絕勝貔貅十萬兵吳漢威名如敵國魏公倚重抵長城鐵橋

徼外先聲度銅柱天南赤手擎若問封侯何事業征南原是一書生

重陽後六日奉陪中丞公登龍山落帽臺次原韻

遠上坡陔碧水灣蒼然平楚夕陽間可無好事傳新句恰有佳名似故山余所居在

龍山故云霜氣銷來還綠樹狼烟起處是烏蠻陪遊不少鄒從事此日風流媿再攀

荆州與楊語可別

一身萬里逐南征，入口村居累不輕。
入幕稍酬賓主分，勸餐真見弟兄情。
雨清江館啼猿夢，天闊砧鄉去雁程。
莫怪從軍還作賦，仲宣樓畔尚徵兵。

荆南秋盡野鶴羣飛楊公有詩屬余並作

遠遊望渚黔萬里，方汗漫中途得小憩。
朝爽快清盼野鶴亦出遊，聲聞自天半。
來從纖霓端，條過蘆花岸。紛紛排雁陳，一一作魚貫。
或前如導引，後者敢奔竄。成羣似得朋，獨往寧無伴。
感通在聲氣，形影有聚散。應防凡鳥嗤，未怕弋者篡。
那將閒人目，送汝入霄漢。豈無好爵縻，乘軒方好戰。
當年羊叔子，坐鎮示閑晏。可憐烟霞姿，曾作耳目翫。
氈氈驅對客，妙舞恥輕炫。故澤今重來，華表如再見。
荆南有鶴澤相傳羊叔子養鶴處但令鍛雙抵，警露報昏旦。
拾粒仰稻梁，野性恐不慣。聳身托風馭，毛骨庶可換。
我欲從之游，招手已難喚。

荆人田芝來年老好事所居城南隅瓦屋三楹小庭曲砌雜蒔花竹性
喜蓄錦石貯以瓷盆清泉涵之因狀命名乞余分詠余以其名不雅不
欲作詩重違其請賦一章以示意

風日媚冬暄行行歷郊陸登高三百步埤堦轉城曲牆頭見鵲巢老樹出修竹
叩門得小憩寄興抵巖谷白鬚揖相迎一咲情已屬小庭容旋馬闢徑故蟠伏
插籬竹架格對面植花木隔簾霜氣清老葉冬猶綠井然見位置頗未嫌局促
琴書了無塵几榻淨如浴清泉貯磁斗浮面不盈笏纍纍錦石圓紋理細可矚
紛紛誇示客手點口品目寓形窮想像比喻借金玉余咲戲謂翁此事取遠俗
有生經喪亂奇貨手翻覆錦繡拆麟鳳珠璣裂奩軸君家茅堂清杵拱無改築
收藏恃無恙彼好非此蓄奈何清玩具反以穢名辱託名喪其實石意恐不欲
何如兩相忘碌碌復碌碌

初冬登南郡城樓

牢落城南賣餅家空傳形勝控三巴天寒落日千羣馬葉盡疎林萬點鴉沙市
人來穿故壘渚宮烟暝動悲笳纍纍新冢荒郊徧還有遺骸半未遮

寒夜次潘岷源韻

一片西風作楚聲臥聞落葉打窗鳴不知十月江寒重陡覺三更布被輕霜壓

啼鳥驚月上夜驕
鼠鬪燈明還家夢
繞江湖闊薄醉醒來句忽成

雪後

繚牆茅屋閉孤城
寒壓鼉廚火未生
連日窮陰疑有雨
五更微雪徑成晴
坐銷短晷經檐影
閒聽隣家壓酒聲
天意似催梅信早
望鄉孤客最關情

荊州雜詩六首

要害西南最乾坤
百戰餘孤城還矢
石陳跡遂丘墟
白日吹笳外
枯風落木初
暫來戎馬地
慚愧得安居

三戶亡秦讖
孤軍覆楚師
難消終古恨
常動後人思
形勝今何用
英雄事必奇
挑燈緜史傳
渾似覆枯碁

中山存後裔
失路亦依劉
大局分三國
深心借一州
圖王須得勢
割據豈同仇
滿眼俱豚犬
應思孫仲謀

梁元仍舊鎮
此地屢稱兵
禍福憑方士
干戈盡弟兄
戎衣臨講殿
詩句到巡城
世亂文何用
君王乃好名

枇杷門外路降表是前驅建業無于氣湘東只霸圖占星憂客位給札唉家奴
秋草荒郊徧元陵問有無

南郡風流地雄藩轂久推梨花前隊擁紅粉後車來馬酒分疊飢狐裘逐兔回
明明軍令在蜀道幾時開

洪武銅砲歌

荊州城頭古銅砲洪武元年戊申造土花剝蝕鏽微生首尾控撐任顛倒憶時
偽漢方縱橫虎視江東勢輕剽旄鉞鄱陽一戰收割耳淋漓行告廟荆湘指顧
入圖版駕幸武昌懾苗獠遂令守土頒火器何異分藩鎮險要邪許聲中走百
夫巨材作架牛皮冒二百餘年烽燧冷講武承平背時好何來寇賊忽披猖將
士倉皇棄牙纛可憐纛韉等無用下策火攻恃騰趨底貢初曾致島夸後來特
賜紅夸號豈知將軍竟負國俯視焦原縱羣盜彼非吾產且勿論爾獨胡為亦
忘報萇弘碧血釁未足鴟巨懸目慘無告羸顛劉蹶誰惜之去者自悲來自唉
而今西南又轉戰形制雖存力難効我來見汝荆棘中并與江山作憑弔金狄

摩挲總泪流有情爭忍長登眺

荊州護國寺古鼎歌

臨淮王氣日盪摩東吳西漢兩燭蛾天教禹鼎歸一統掃蕩不再煩增啓煌煌

開基自建鄴豐沛大風時作歌金枝玉葉出九塞帶礪錫誓如山河

名山藏分藩記遠王

植洪武二十五年自衛改封成祖靖難後王自請移荊州

荊州要害古重鎮水合沱澧山岷嶓親藩改封頒

重器汾陰寶氣移騰那遼宮北望四千里輦致遠自清泥竭

遼東地名見遼史本紀

吳牛

回首喘甫定辟易罔象潛蛟鼉中容百石外菌蠹價重奚啻千鎗鍋白日蓬蓬

霽雲起清宵馥馥香烟和百餘年間封未絕嗣王拱壁垂緌緡力營梵寺覲祈

福丹碧插漢高崑峨棧齮層級疊塔砌翠蔥繪藻連重阿明珠百八綴瓔珞黃

金丈六裝韋馱憑將此鼎配清供位置端正平無頗千林散花傳簷蔔七葉覆

影依樓羅居人空巷競頂禮一日萬手爭摩抄年深餘潤溢精采斑駁青綠紋

成螺厥初賜額號護國豈意國步旋跌蹉西北忽傳盜羣起轉掠邛夔搖牂牁

叢祠狐鳴妖廟火雄王雌霸紛么虜公然出陔入曠衍楚境旁突其誰何鳧毛

東浮蔽大海，輾塵南下驚。織蘿紅巾方見劇，賊走白縉又報官。軍過紅蓮幕，
庚長史碧油幢。引楊沙哥廟廷無人經，略拙覆餗折足違。知他北門吠犬失利，
苾南徼跼鴛悲伏波。簡書右方半塗改，泮水左耳全欺訛。中軍但思挺鹿豕，列
陣孰肯領鸛鵝。九州聚鐵鑄一字，百金立木招羣魔。腰間大弓肅肅羽掌上，利
劍霍霍磨濕梢。積屍填巨壑，洗城漂血生盤渦。烏飛白頭竄，帝子馬挾紅粉啼。
宮娥魯藏大盜竊，寶玉武庫烈焰燔。瑀戈玉魚晨穿赤蟻穴，金虎夜落毛蟲窠。
神焦鬼爛逃后羿，天驚石破愁皇媧。王坤驚聽或滲漏，諾皋紀載從譏訶。是時
古鼎乃無恙，疇役丁甲來撝呵。乾坤元黃蟻旋磨，日月來往龍騰梭。爾來一瞬
四十載，渚宮已長油。油禾昆明土，灰識燒劫銅。仙泪兩收滂沱，城中故物僅留
此。坐閨人代成飛柯，金剛寶杵衛帝釋。彫篆石碣敲頭陀，殘僧近前爲指點。詞
客好事空吟哦，吁嗟兮滄桑變易等閒耳。區區一物奚足多。

渡荆江

虎渡迴船日，又曛旌旗高捲。渡頭雲閒鷗意到，忽飛去斷雁聲多時。一羣南入

五溪江路盡西連三峽楚程分
亂離光景逢人問或有新詩當紀聞

白楊堤晚泊

客行公安界榛莽遙刺天
百里皆戰場廢竈依頽垣
豈惟人蹤滅鴉鵲俱高竊
但聞水中鳧拍拍繞我船
朝來望澧陽稍稍見疎烟
晚泊得墟落潭沙水洄沿
天風鳴枯楊衆鳥巢枝顛
居民八九家其下自各村
野火燒黃茆瘦牛皮僅存
姻親兒女舍相對籬無樊
我前揖老父款曲使盡言
云自南北爭兵火六七年
初來尙易支臥米換佰錢
去秋忽苦旱穀價十倍前
朝市有推移世業誓不遷
况聞江南北兵荒遠袁延
逋逃等無地旅仆誰哀憐
我感此語真歎歔泪流泉
有生際此儻朝夕計孰全
悠悠逐徒御卽事思田園

公安道中

折戟沈沙極望中勿論猿鶴與沙蟲
一江路阻城猶在萬竈灰飛壁已空
便有閒情論戰伐誰能按壘識英雄
分明世事如償博細雨殘燈局就終

過龍陽縣

李衡洲畔水潭潭生計漂流最不堪拋却故園三百樹來償霜橘洞庭南

晚泊安鄉縣六韻

布帆衝雪到小泊記荒程沙岸冬收潦湖光晚放晴百家成小聚一縣得虛名
路險行吟客天驕跋扈兵廢池猶帶樹殘壘竟無城不到干戈地誰知荆棘生

渡洞庭湖四十韻

一氣吞全楚孤舟望不窮兩儀浮澹沲萬象入鴻濛冰雪凝壺淨烟霞拂鏡融
恍疑天四合長見日當中散作魚鱗去虛憑鳥道通洪流年莫紀開圻力何雄
險蓄波濤勢陰防霧雨零落帆分向背瞻斗辨西東晶晶趨靈域泱泱表大風
回車辭崦嵫仗劍倚崆峒絕境何由達狂飈偶一逢未成騎赤鯉直欲駕晴虹
空曠曾張樂軒轅想馭空鸞雛嬌嶰竹鳳味引荆桐去約西王母行邀東海童
舞幽潛百怪協律奏羣工具闕清於玉冰簾暖似烘人閒常屬耳天外或呼嵩
沈璧摛辭壯燔柴望祀豐居然憑嶽瀆渺矣托神叢河伯憂方大蚩尤禍忽終
長鯨摧爪甲封豕殪羝縱不分驅秦鹿終成失楚弓紛紜吹野馬變化到沙蟲

貪說含珠睡乖從割耳聾蛟涎腥蚌窟魚目闖龍宮往往狼爭肉紛紛雉離置
崩沙埋鎖杙壞板拆艤燿短景西南陷浮氛宇宙充客行愁渺渺事往惜匆匆
飄泊今無地吁嗟一倚篷向來拘眺聽渾似出樊籠弔古夫何及傷時又不同
九疑荒率指七澤蕩明瞳易觸蒼茫句難消塊壘衷非才慚擊楫有識咲從戎
不作沾泥絮翻隨別蒂蓬文詞新畫虎爪跡舊飛鴻壯志銷穢俗流年撫薄躬
中流發長嘯誰負濟川功

蠟梅和中丞公韻

一枝開異域獨秀殿羣芳
額黃添暈檀心蜜作香
折應傷歲暮力欲挽春陽
待共梅花咲先期耐雪霜

武陵除夕

嶺徼溪山指後期
楚天風物莽參差
江船雨鬧羹魚市
岸柳波柔飲馬池
俗陋初逃兵火厄
年荒真覺酒醪糜
春光已作先庚報
試看燈花爛熳時

敬業堂詩集卷一

...

...

...

...

...

...

...

...

...

...

...

敬業堂詩集卷二目錄

慎旃集中

喜季叔自荊州至二首
重校詩二首 人日武陵西郊閣武二首

再遊德山爲雨雪所阻留宿乾明方丈次石間周益公石刻舊韻二首

春晴登朗州城樓

三閩祠

朗州絕句四首

武陵送春

舟發桃源

辰龍關

海螺峯歌

清浪灘

北溶驛

辰州

壺頭山伏波廟

發辰州馬上大雨

宿五里亭

羅舊驛

午日沅州道中

沅州卽事二首

雞冠砦

漾頭司

自沅州抵麻陽二首

初入黔境土人皆居懸崖峭壁間緣

梯上下與猿猴無異睹之心惻而作是詩

雨泊黃蜡關江水暴漲黎明解纜諸灘盡失矣

早發齊天坡

六月十五夜銅仁郡齋坐雨憶去年

此夕同韜荒兄潯陽對月有作

枕上偶成

連下銅鼓魚梁龍門諸灘

麻陽田家二首

浦市晤宋梅知兼贈別

重陽前一日銅仁郡齋得韜荒兄豫

章信

銅仁書懷寄德尹潤木兩弟四首末

章專示建兒

高慎旃罷官入都索贈行之句

送雷玉衡赴印江學博任

得家荊州兄都下書久而未答夜窗

檢笥中舊札因續報章并作二詩奉寄

銅仁秋感和劉丙孫六首

秋懷詩十六首

同沈將雲楊魯山遊銅崖

天擎洞歌

重過齊天坡

再至沅州哭劉丙孫二首

送楊魯山省覲歸里

夜觀燒山和中丞公韻

麻陽運船行

雪後平溪道中

清浪衛廣福寺

飛雲巖

度油榨關

題鎮遠中河寺後石洞

黎峨道中二首

黔陽雜詩四首

送王兔菴學博赴安順

貴陽除夕次德尹去年此夜湘南見

懷韻

敬業堂詩集卷二目錄

卷之二

卷之三

卷之四

卷之五

卷之六

卷之七

卷之八

卷之九

卷之十

卷之十一

卷之十二

卷之十三

卷之二

卷之三

卷之四

卷之五

卷之六

卷之七

卷之八

卷之九

卷之十

卷之十一

卷之十二

卷之十三

敬業堂詩集卷二

海寧 查慎行 悔餘

慎梅集中 盡庚申一年

喜季叔自荊州至二首

會合期難定蒼茫憶舊秋烽烟隨地滿書疏隔年收薄宦供驅策空囊愴去留

荆南曾久住回首似并州

再見干戈地方知骨肉恩人情方畏虎客路漸啼猿那得窮無恨惟應醉勿論

如何連夕話多半是田園

人日武陵西郊閱武二首

鷹揚盪決勢無前鯨角相持又一年豈謂陳湯寬吏議尙煩充國策屯田桃花

色映巴滇馬杏葉裝成子弟鞦漫說秦人曾避地而今此地是窮邊

如荼如火望中分鼓角饒鉦一路聞黑齒舊疆仍結壘綠旗別隊自將軍轅門

誰上平蠻策朝議先頒諭蜀文輸與書生工算奔疎簾殘局轉斜曛

再遊德山爲雨雪所阻留宿乾明方丈次石間周益公石刻舊韻二首
但令興到便登山路轉鳧鷖第幾灣福地自留蒼翠外閒身偏在亂離間殘碑
日月看仍在前輩風流許再攀五百年來如轉盼知從何處證無還
城外清江江上山依然白浪捲蒼灣雪飄燈事闌珊後春到梅花淺淡間竹樹
一丘迷出入樓臺幾處記躋攀茶烟芋火前因在信宿留人未遣還

春晴登朗州城樓

沅水湘烟入望深郡樓閒上當登臨晴邊日作薰檐氣亂裏歌傷去國心芳草
迎船迷舊岸綠楊盤馬試新陰劉申去後空城在水次猶傳上堵吟

三閭祠

平遠江山極目迴古祠漠漠背城開莫嫌舉世無知己未有庸人不忘才放逐
肯消忘國恨歲時猶動楚人哀湘蘭沅芷年年綠想見吟魂自去來

朗州絕句四首

翎雀彈來新調多竹枝舊法定如何居人不解邊頭曲只唱西風葉葉歌

江干草市竹爲椽容易移家逐貿遷昨日官軍又南去辰溪一路有新烟
雨餘天氣好清明薺菜花開去踏青樂令園荒桃李盡更無啼鳥入空城
督師聲勢震蠻荆父老徒誇畫錦榮不信但看楊相國遺恩還在鼎州城

武陵送春

時初聞官軍
恢復辰州

筍屐籃輿幾地逢春華一夢記南中草痕吹過青楊瘴花信飄殘畫角風燒尾
蛇應流枉矢驚絃鳥亦避虛弓桃源只隔孤城外流下辰陽戰血紅

舟發桃源

武陵溪口朗江灣花落鶉啼血正殷楚甸回看惟見水蠻程從此始登山分災
小劫推移過避世遺風想像還但使耕桑能復業仙家原自在人間

辰龍關

結陣愁雲傍水濱望中高勢故嶙峋古來形勝知何地天下英雄竟少人獨戍
鷓鴣喧落日連營荒草壓征塵曾經官渡相持後柵孔枝枝插柳新

海螺峯歌

楚南地窮山聚族逞怪爭奇走相逐桃源以上簷簷多碧玉簪如春筍束海螺
一峯天下奇形模髣髴神依稀雷碓鬼斧劈不得造物伎倆初奚施中豐上銳
下微窄凹處痕青凸邊白古苔繡錯十六盤蠻髻椎高二千尺輕身想像窮烟
霄仰天一咲天爲高不知獺猱爾何恃騰擲絕頂相矜驕似聞老螺生海底鯤
化鵬飛忽移此偶然蝸殼吐饒涎倒覆江干吸江水我嗤汝腹彭亨幾許寬安
能吸盡五溪之奔湍天公渴汝一掬慳故實汝腹封泥丸嗚呼已實汝腹封泥
丸只合棄置當百蠻胡爲秀聳拔萬山坐令荒徼人俱頑

清浪灘

怒勢中流劈浪開螫龍潛處起驚雷衣冠如故神留像牙角爭雄石騁才鄉戶
幾看疲輓運洪瀾何事故奔頽炎荒有路天難限百險終須板柁來

北溶驛

西隔辰陽纔百里傷心戰地見何曾尸陔林下烏爭肉瘦棘花邊鬼傍燈井與
田平柴柵廢燕隨人散土巢崩相逢漫說從軍樂一飯無端百感增

辰州

連岡猛火夜燒營，槃瓠西來尚有城。
百雉憑高經雨黑，五溪流惡入江清。
就傾廬舍全無主，畏險舟車半不行。
欲訪遺書尋二酉，旁人指點笑書生。

壺頭山伏波廟

功業蠻方萬古尊，當時朝諉竟騰喧。
耿舒本意難同事，朱勃猶存解訴冤。
馬革裹屍言竟驗，雲臺圖像事休論。
中興諸將俱茅土，不解於公獨少恩。

發辰州馬上大雨

百折岡巒去復迴，弓刀小隊轉城隈。
馬頭雲勢俄爲雨，谷口泉聲併應雷。
礪确連山愁路滑，離披滿眼惜花開。
竹雞無賴啼偏切，直送行人度嶺來。

宿五里亭

舟行脫險還遵陸，跋涉誰知險更并。
牛跡水添三尺澗，雲頭暮轉一峯晴。
頗聞西上攀躋苦，却笑南遊性命輕。
細數道旁雙隻堠，辰陽辛苦是初程。

羅舊驛

陽明舊日留詩地我到偏傷亂後情
淺草平陂荒徼路殘陽小驛舖司城西征

將帥猶堅壁

時前軍尚駐沅州

南牧牛羊各占營此日蠻人皆佩犢
不煩布穀苦催耕

午日沅州道中

一年傳旅食吳楚隔干戈蠻果枇杷熟
山花躑躅多蒲魚鄉國味風雨客程歌

佳節今朝是誰知馬上過

沅州即事二首

萬馬南來牧宿荒連山淺草不能長
營門日暮聲如沸論擔分錢買綠秧

官兵十萬擁岩隈糧運頻煩羽檄催
米價最高薪最賤炊烟晴散畫梁灰

雞冠砦

絲路微從鳥道分半空雞犬隔江聞
雨聲飛過岩頭砦多少人家是白雲

漾頭司

雲山獅口寨風俗短裙苗兩郡封疆
錯孤城控制遙遺民收野芋狹路入山椒

怕見征南騎臨江叱馭驕

自沅州抵麻陽二首

半月天無一日晴，亂山處處走溪聲。廢坪隔岸分秧水，

楚南皆山地，稍寬衍者各爲坪。小砦因

高占土城。

鄉民避兵者，俱踞山築城，名曰土砦。

楚樹含情如有待，蠻花問俗總無名。欽崎路在風

波外，不礙行人觸暑行。

欲知黔楚分疆處，只在孤雲兩角邊。自是勞人貪僻路，也如渴馬愛清泉。參天有勢松何健，肖物能工石亦妍。一片銅崖青入望，夕陽跼跼數飛鳶。

初入黔境，土人皆居懸崖峭壁間，緣梯上下，與猿猱無異。睹之心惻而

作是詩。

巢居風俗故依然，石穴高當万木顛。幾地流移還有伴，舊時井竈斷

去聲無烟餘

生。兵革逃難穩，絕塞田疇瘠。可憐好報長官，蠲賦斂獮猿家室。久如懸

大雨泊黃蜡關，江水暴漲，黎明解纜，諸灘盡失矣。

頑石堆癭疣，清江曳羅帶。黔山雖可憎，黔水頗可愛。雨聲怒流濁，曉鏡忽破碎。千年老樹枝，僵石亞完塊。小舠啣尾去，脫葉舞澎湃。榜人顧我笑，壯士行何畏。

來當兵革交夸險視一概誰能守孤蓬鬱鬱坐久待輕生
犯過涉既濟稍知悔
早發齊天坡

山偏嵐氣侵仲夏曉猶冷離披馬髮濕十里霧未醒流雲莽迴盪
陸海開萬頃
東日生其間金丸上修綆殷鮮一輪血倒射却無影蒼茫樹浮藻參錯峯脫穎
攀躋足力窮目賞得奇景方知夜來宿乃在最高頂

六月十五夜銅仁郡齋坐雨憶去年此夕同韜荒兄潯陽對月有作

琵琶亭外記停船昨歲今宵月最圓短篷迴風溢浦浪孤燈響雨夜郎
天文章
幕府才相左鱗羽天涯眼並穿若算歸程余較遠江樓鹵上又三千

兄時在南
昌幕府

枕上偶成

漏盡雞一鳴遙遙村砦裏須臾徧城市歷亂殊未已晨光澹列宿虛白
上窗紙
夜來江湖心夢斷不可理似覺柔櫓聲啞啞猶在耳

連下銅鼓魚梁龍門諸灘

上灘力相爭下灘勢相借連山百餘里一抹蒼然化輕舟紙作底百折穿石罅

兩霄飛兩旁雷霆奮其下篙師心手習快若王良駕又如穀強弩東向海門射
胥濤浩蕩來斂怒却退舍河神況小婢指摘或遭咤因斯悟至理出險在閒暇
向來覆舟人正坐浪驚怕

麻陽田家二首

牛羊爭隘巷井白蔭高木村村聚一姓雞犬並食宿兵荒分同死男女不輕鬻
所以五溪蠻古來多巨族

俗貧盜見棄夜戶可不設翻爲防逃兵鄉社有團結隔河聞人聲睽睽鬼燈滅
我欲從之言灌莽高人尺

浦市晤宋梅知兼贈別

與子總角交賤貧互相得自從行萬里始作可憐色兩萍浮大海後會那可卽
初春得子書感子遠相憶令兄久辭家托我覓消息武陵快相遇恍與子面覲
頗怪經亂離神清髮深黑報章走急足與爾慰饑怒十年一紙書奚啻萬金直
平生骨肉恩獨往輕遠涉沅江石齒齒白日飛霹靂投軀試奇險聚散俱慘戚

汝兄我先見我弟汝新別兩家兄弟間異姓派如嫡銅崖聞子來喜劇遽走覓
買舟下浦市石觸舟中裂怖餘身幸在再理渡江檝沙頭重把袂迎面淚反滴
開口先暄寒次第家事及子言聊慰我指似聽歷歷舍弟辭人幕今年復家食
別中六寄書此度凡兩接是日接德尹所寄第六札子來喜見兄飄泊手重執余行別諸弟
渺渺孤飛翼同落百蠻中悲歡儼殊域江天秋平分晝夜五十刻月魄哉初生
飛蟲撲燈入從昏話達旦對酒唇不濕別當爭戰場岐路莽南北子颿已高挂
我馬尙羈勒去去勿回頭涼風在蘆荻

重陽前一日銅仁郡齋得韜荒兄豫章信

豫章書到雁程勞山館孤燈夜屢挑怕說重陽又明日南來何地不登高

銅仁書懷寄德尹潤木兩弟四首末章專示建兒

客行已度萬峯巔咫尺西南接漏天雲棧險應輕蜀道布帆穩憶上吳船家書
盾鼻題難盡春草刀環夢未圓了了故園東下路洞庭高浪白門烟

虛名小郡笑猶存官舍無烟米不屯鵝鴨池荒餘棄壘漁樵人少但空村路窮

江口船稀到山近黔東石盡髡最是子規啼未歇插天丹嶂起露獷
眼見青旗換白旗幾聞殊俗震餘威月斜嚙虎巡城去風定饑鳥繞樹歸超石
諸營兒作戲射生別帳妓成圍飛書草檄非吾事悔著征人短後衣
阿庚失學阿承癡滿架殘書急護持不願生兒還似父尙憐有叔可爲師殺雞
爲黍人誰過綴鳳粘珠想要奇便使他時能典謁草堂花發是歸期

高慎旃罷官入都索贈行之句

八年遠宦阻迴車萬里高堂悵倚廬

少司寇先生尙在堂

歸路已遲鴻鴈後逢人猶說亂

離初蘭成恨滿江南賦孝穆情真僕射書此去朝家崇吏事崔瞻蘊藉比何如
送雷玉衡赴印江學博任

雙江路盡還雙峽此去休論跋涉難秋雨隔城聞戰伐夕烽傳點望平安鄉程
漸近檳榔樹宦味初嘗首藉盤昨夜尊前頻送喜燈花何負鄭虔官

得家荊州兄都下書久而未答夜窗檢笥中舊札因續報章并作二詩

奉寄

朔南踪跡兩浮萍
爾渡滹沱我洞庭
橘柚候依京國雁
茱萸會散故園星
瘴鄉弓力秋來健
沙磧笳音嶺外聽
若向此遊論客況
兵荒一一眼曾經
陳東倘許持清議
經濟如兄綽有餘
夜雨新豐空作客
秋燈絕徼又開書
絕奇世事傳聞裏
最好交情見面初
如此畏塗須閱歷
興闈吾欲賦歸與

銅仁秋感和劉丙孫六首

風物移黔境
關城接楚邦
亂山爭戴石
細水亦名江
遠燧連苗砦
孤燈冷客窗
崎嶇經戰地
游屐不成雙

吾亦疑天意
人間事渺茫
陣雲秋易結
驛路晚偏長
雞犬無安土
衣冠剩古粧
少年鞞袴好
輕薄笑蠻方

郭外於菟穴
城中跋扈兵
幾時除狻猊
終日逐鼉鼉
警急傳雞羽
悠揚聽角聲
草間殘子在
却立望昇平

居民竄崖谷
顏狀類麕麇
薄賦猶輸賧
餘生各戀家
銅苗收石綠
金氣辨丹砂
亂裏輕蠻貨
何時到客槎

隙火飛蟲入庭隅樹影生月光經雨淡嵐氣入秋清南味疎鮭菜西風到鱸橙
可憐鄉夢斷成柝正三更
莫謾愁羈旅南遊計亦良主嫌蘆酒濁客愛野蔬香珠米升春雪刀魚寸縷霜
蹉跎叨七箸容易送流光

秋懷詩

并序

蠻城秋晚風雨淒其懷友思鄉一時并集次第有作得詩十六章江湖浩蕩
分寄無由異日奉几杖於先生寫心期於同好當出以相質用博和章焉

四海靈光劫燒餘名山一席老仍虛及門漸散天南北舊事閒隨夢卷舒黨論

甘陵多擬似交情中散比何如公朝謾有程文海又費先生却聘書

姚江黃夫子掛名薦

牘知驅馳無力不能北上也

事與心違悵久離京華一信底差池望窮難覓衡陽雁客到遙傳塞上詩南國
霜華蓬著鬢東籬秋信菊如期買山歸臥談何易始覺巢由是盛時

外舅陸射山先生久

留都下短章勸駕情見乎辭

黃浦花深護竹扉隔江城郭鶴初歸風生故壘餘蘆荻天遣西山長蕨薇註易

十年留小草憂時一涕肯輕揮老裝來往錢唐路藥裏丹爐計未違黃晦木先生註易垂

成近復事黃洽之術

青山無恙罷登臨收取雄才入苦吟快馬短裘他夜夢荒亭野史故交心謂金正希

先生愁侵衰髻絲何極老傍窮途感易深一片臺城吹角外秦淮烟柳變秋陰王汾

仲寓居白門

板輿自草閒居賦駿骨何心羨築臺訝許客來論舊雨能令人妬是奇才對門

瓦屋相望住謂斯年分虎稱意溪花一笑開還有江山傳好句青蓮曾到夜郎來長水

李秋錦

南戒江山破涕新博臬壺馬門長貧英雄混跡疑亡賴風雨高歌覺有神一劍

乾坤鳴怪事六朝裙屐咲文人采蘩橋畔留詩別母在尤宜惜政身白門王璞菴

管鮑雷陳原有數臨岐執手語分明後來此會知何地同輩如君豈好名薄俗

誰堪論古道浪遊吾恐負平生但令出處存初約應諒天涯共此情客夏同人錢別於殮

和堂聞故鄉社事紛然感懷
同志作詩寄主人朱與三

憶從奉杖別岩隈遠在馳箋又一回軍角風高蟲語合獵塵秋早雁翎開石光

敲火三年過銅柱無名萬里來珍重先生期許意緘題欲報每遲徊家伯二南
遠書見示

酒幔河橋柳拂絲故人欲折並依依篋中行卷春留別畫裏孤颿客憶歸蠻郡

秋聲迴鼓角戰場風力展旌旂賣文剩買防身劍不改從軍一布衣朱人遠陳
撫謙子榮

黃主一各有文見送繼
繼之意別後不忘也

三徑無資謾管絃清才差勝廣文甌藍田記入昌黎集絳帖碑留淳化年一縣

葡萄秋釀酒千家砧杵月臨邊豬肝不用供他客雙鵲東軒信早傳陳子文舉
家赴安邑

丞近聞子厚亦作
晉游同此致意

存歿相關事忍論桓山翼折嘆賢昆謂鳳
司久從恭謹傳家法却幸諸孤聚義門

二頃良田貧減價兩朝汗簡淚添痕買隣擬就墻東住及取遺風教子孫祝彥
方南

宮下第閉門讀史撫孤姪如己
出言念及此不無存歿之傷

望衡對宇雅相親南阮才高不諱貧帶雨村春晨隔巷款門燈火夜留賓兩家

子弟如行雁一姓婚姻少比隣角酒爭棋曾此地荒雞絕傲夢何因王子穎右朝兄弟

石佛橋邊一繫舟遠來情感寄書郵關心風雨經聯榻輕命江山博壯遊木葉

波仍浮楚甸蘆花雪又滿吳洲蒹鱸橙蟹家鄉味容易懷人負好秋徐孝績有書見存並

簡威鶴江徐淮江程禹聲諸子

消息烽烟萬里通憐余踪跡久從戎羞言處士河陽幕豈有書生絕域功浴鐵

甲分秋練白蠟丸書傍燭花紅知君矯首西南望懷友思親一概中得楊端木京邸書

晴川高閣揮杯後兩度西風閱歲華鸚鵡夢銷江上草鷓鴣啼老日南花舞迴

雞枕宵初半讀罷魚書飯好加莫道楚材多放廢居然屈宋起家漢陽王孟穀羅魯峯

曾作江湖同隊魚洞庭南上更愁余舊遊想像重題閣故國平安有報書去日

兒童皆項領同時牛馬亦襟裾捉刀未了生涯事只是羞乘下澤車與韜荒兄江陵分手

兄赴豫章余至沅南相望各天音塵寬隔比得鄉信因寓感懷

同沈將雲楊魯山遊銅崖

雙江合處勢瀦洄地盡中流忽有臺沙際馬知寒潦縮城西鴉帶夕陽回年深

兵燹碑難讀路入榛蕪眼勑開片石只從開闢在題詩曾閱幾人來

天擎洞歌

黔江自與楚水通楚山不與黔山同神靈有意幻奇譎使我豁達開心胸初披
榛莽覓微徑旋渡略約踰奔洪水窮雲起巖洞出外象軒翥中含空陰叢轟轟
聚蚊蚋老骨硤硤摧虬龍懸崖俛瞰勢將墜一柱突兀撐於中蜂房倒垂作層
級鐘乳亂滴穿玲瓏不知瀑布之源在何許天紳飄下朝陽東石梁截斷千匹
練明珠迸出鮫人宮又疑蜥蜴吐沫散冰雹寒氣颯颯生迴風長林豐草四時
潤雨露不到誰尸功

重過齊天坡

十月新寒瘴已輕萬峯濕翠雨初晴人來天際斜陽影馬踏雲中落葉聲杼軸
誰憐民力盡郵亭遙數戍烟生半年遁跡愁重到何計雲山慰客情

再至沅州哭劉丙孫二首

幕府論交快得羣天涯失意手重分不應小別輕揮淚豈謂重來果哭君

中秋前在

銅仁洒淚而別遂成永訣 盡賣衣裘供薄殮誤他僮僕遠從軍瓦燈相對僧窗夕忍讀龍場

瘞旅文 劉官吏目故云

偶然倡和成詩讖鵬賦長沙最不祥 丙孫秋感詩有長沙鵬似鵬腸斷洛陽年之句 萬里慚余稱好友

一官累爾死殊方招魂有母傷垂白昇櫬無兒等國殤拚却負薪貧也得九原

應自悔辭鄉 劉為安丘相國次子

送楊魯山省覲歸里

殷勤卮酒別蠻天安穩圖書壓客船經眼雲山窮戰地稱心詩句遠遊篇綵衣

綫綻三秋後白髮花穠八座前不載丹砂供服食閒居一賦已如仙

夜觀燒山和中丞公韻

寒空月黑燄初熏照夜俄生萬嶺雲赤幟千人爭趙壁火牛百道走燕軍危時

莫以烽為戲我意方憂玉亦焚不信劫灰吹不盡草間狐兔尙成羣

麻陽運船行

麻陽縣西催轉粟人少山空聞鬼哭一家丁壯盡從軍老稚扶攜出茅屋朝行

派米暮僱船吏胥點名還索錢轆轤轉絙出井底西望提溪如到天麻陽至提溪相去三百里一里四五灘灘灘響流水一灘高五尺積勢殊未已南行之衆三萬餘樵爨軍裝必由此小船裝載纔數石船大裝多行不得百夫并力上一灘邪許聲中骨應折前頭又見奔濤瀉未到先愁淚流血脂膏已盡正輸租皮骨僅存猶應役君不見一軍坐食萬民勞民氣難甦士氣驕虎符昨調思南戍多少揚麾白日逃

雪後平溪道中

時官軍初復貴陽

馬足聲堅凍未融楚南晴雪照黔東百家廢井懸軍後一路啼猿灌莽中斑白逢人愁鋌獸萑苻何地集哀鴻書生亦有傷時淚袖濕征鞭裹朔風

清浪衛廣福寺

瓦礫城隅萬竈旁居然古寺比靈光殘僧一去塵蒙佛畫角孤吹夜兩霜劫過昆明灰尙黑年深龍漢事全荒斷碑知是何年物野火燒來柏葉香

飛雲巖

白雲本在天變幻隨所到無端忽墮此穴地啓洞竅石髓久漸凝靈姿特神妙
軒軒勢欲舉外秀中鶩驚坐勞佛力鎮刻畫恣凌暴山靈怒不受企脚首頻掉
猶虞從風揚出山不可叫呈形寓百怪意想得奇肖昂昂舞獅象狼狼蹲虎豹
蛟龍護鱗甲鸞鳳披羽翹或疑人卓立又似波傾倒形容口莫悉覽勝難領要
造物太雕剗將毋元氣耗林泉為映帶旁引轉深奧清陰轟古柏遠響落幽瀑
遂令過客心出入殊靜躁惜哉靈勝境乃落西南徼好事偶一逢高情復誰較
獨留陽明碑千古表蠻獠

王文成月潭寺碑記聖果亭偈石刻俱在焉

度油榨關

平明走馬出城闐峭壁西風冷偏身轉粟上天非易事據關連柵復何人雪填
土窟埋屍淺冰裂刀痕迸血新等是三災逃不得疆場溝壑兩窮塵

題鎮遠中河寺後石洞

一片青山展石屏天光西豁灑陽城豈知躍馬橫戈地猶有晨鐘暮鼓聲

黎峨道中二首

馬滑前岡冷未消冷音另黔中冬月霧雨之一一鞭絲雨上衣潮瘴茅黃過三郎

鋪寒水清涵葛鏡橋

青紅顏色裹頭粧尺布縫裙稱膝長
猗猗打牙初嫁女花苗跳月便隨郎

黔陽雜詩四首

蚩尤百丈吐寒芒時有慧星之變殺氣西南莽未央
燕雀君臣空殿宇蜉蝣身世閱滄

桑亂山似作孤城衛橫戟誰堪一面當
錯料夜郎知漢大井蛙曾此自稱王

休將臥虎比前禽諸將功高賊未擒
棉馬隔城邊草瘦幕烏啼曉陣雲深盤江

路盡黔疆險鉤棧人從蜀國尋
一片壽陽汚血地浪傳田叟哭王琳

玉斧銅標界有無苴蘭城外亟儲胥
田橫客已辭窮島樂毅功難敵謗書官濫

羊頭爭獻鏡謀新鼠穴可乘車
英雄穉子論誰是廣武登臨歎有餘

吹唇沸地勢縱橫約束人稱峽路兵間道
無援防豕突叢祠有火散狐鳴殘年

租賧催何急鬼俗流離命已輕
勿倚弓刀能殺賊向來漁獵本蒼生

送王兔菴學博赴安順

芭蕉關前打戍鼓漏天十日九日雨西征健兒猛于虎道傍菁深狸伺鼠朝行
縛人暮驅牯張目睢盱避無所仲家生苗砦無主肆虐公然曠強弩野無烟市
絕行旅飛鳥山山鍛毛羽爾獨胡爲此焉處別家十年長兒女失意勿復論鄉
土文章下筆造奇古詩法亦可籍湜伍髮須如絲白縷縷宛然襄博說鄒魯及
門弟子紛可數往往功名拾芥取先生齒豁五十五猶抱麀經應科舉廣文片
氈寒且苦顧獨求之榮衰黼僅留僮僕喪資斧別我西行何踽踽我爲爾歌爾
起舞舞意低昂歌激楚而今輸邊方用武何處堪容腐儒腐桑榆有路行可補
曷不去作咸陽買

貴陽除夕次德尹去年此夜湘南見懷韻

秦城趙壁價誰償隻影隨身漫去鄉劍氣久寒思拂拭雞聲無伴起徊徨吟殘
蠟燭三更笛夢結春雲十畝桑不是無家輕遠別天南回首一摧腸

敬業堂詩集卷三目錄

慎旃集下

辛酉元宵月蝕

黔陽蹋燈詞五首

滇南從軍行八首

軍中行樂詞十首

邸報二首

即事二首

諸葛武侯祠

自正月以後不得德尹消息用少陵

遠懷舍弟穎觀等一首六韻

白櫻桃花歌

得家信

寒食看海棠

偶遊東山寺

檳榔

啞酒首

送彭南陔赴長沙即次留別原韻二

寄首

三月十五夜夢遊南湖追憶舊好因

寄淮江

四月十六夜喜雨

黔陽即事口號三首

恭謁陽明書院

送秦望兄東歸

懷葉鄧林副使播州

得都勻汪明府子參書却寄

送李子受往武陵並簡山學禪師

楊大中丞壽讌詩八十韻

九日同赤松上人登黔靈山最高頂

四首

十月二十二日接德尹長沙第二信

驚聞三叔父訃音旅中為位而哭悲痛之餘得詩三章

得荆侯姪習安訃信拭泪寫此并寄尊人楷五兄二首

老僕東歸寄慰德尹兼示潤木

烏山戰象歌

并序

送人赴黔西

詠史八首

黔陽元日喜晴

楊南城自鄢陵陞任劍川州牧道出

黔陽因病乞休比方養痾黔靈山寺高其勇退之意作詩贈之

送友人入蜀

水西行

中山尼

班師行

和答彭南陔長沙除夕見寄原韻

黔南署中連接與三子穎右朝手書

知德尹已入燕歸計遂決先馳詩以寄

敬業堂詩集卷三目錄

敬業堂詩集 卷三目錄

二 中華書局聚

...

...

...

...

...

...

...

...

...

...

...

...

...

敬業堂詩集卷三

海寧 查慎行 悔餘

慎旃集下

起辛酉正月
盡壬戌四月

辛酉元宵月蝕

顧兔乘鸞事總乖，暗塵誰鬪踏燈鞵。但期來歲圓還再，肯照人間缺亦佳。金筑舊聞荒野史，玉川奇句抵齊諧。素娥似有刀環約，漸放清光入客懷。

黔陽蹋燈詞五首

川主廟前喧笑來，花蠻狡獪學裙釵。馬鞭攔入北門去，閒殺新城普定街。不用彎環竹架棚，長條宛轉轉紅繩。月光人影蒙籠裏，一色花籃廿四燈。雄蜂雌蝶擁官衙，先後輪番唱采茶。忽轉歌頭翻四季，聲聲齊和牡丹花。龍尾龍頭五丈餘，葦鱗鏤甲洗兵初。班頭舊出靈官閣，鼓板中間領木魚。赤脚妲徒鬧掃粧，木梳籠髻去隨郎。一年一度蘆笙會，又趕春山跳月場。

滇南從軍行八首

漏臥眇町接夜郎井蛙穴鼠只尋常開邊使者今頭白他日嬰兒號竹王
旨下羊皮督責多前軍追電出牂牁城烏三匝重圍外聽唱先鋒敕勒歌
捷書夜半刺閨還再發西山板楯蠻特賜龍家懸鵲印土丞新綴總戎班
金馬關頭毒草春道傍掩鼓不驚塵受降老將幽燕種半是當時獻鏡人
三道兵威轉戰餘革囊潛渡計何如肉屏盡向金沙路可少姚樞裂帛書
朝家納粟重輸邊卜式才高逐貿遷不是湟中甌脫地何勞封事策屯田
天地鴻濛儼再分別傳科斗出奇文就中機密無人識惟見飛書入北軍
稱帝稱王意自愍投瓊一咲抵朱三桔槔烽火同兒戲兩度燒營到博南

軍中行樂詞十首

旌旗小隊插竿竿鬢築聲中路百盤明日山頭移帳去牛毛鵝毳滿兵欄
猩猩貼地坐鋪氈紅點酥油一樣鮮普洱團茶煎百沸偏提分賜馬蹄前
斑鹿黃羊左右盂射堂割炙盡羶腴行廚可口烹鮮味新淪羹湯進鷓鴣
粵西白獺近來多項鎖金鈴跳碧波鷹犬技窮渾不用旌門別唱打魚歌

果下名駒愛水西騎來鬣鬣剪初齊戰場多少洮河種骨立秋風向北嘶
臂韉小鷄覓窠雛密箐深榛近却無駙馬手書馳驛到羽毛四出比軍符
仲家苗弩末猶強機轉銅牙怒蹶張楛矢舊曾充武庫特煩中使到炎荒
衙頭樵牧占官莊射虎歸來白日藏夜夜橫屍荆棘地浪傳車騎出南塘
萬里京華十日通雲邊優詔下軍中錦袍貂帽征南將拜賜從誇第一功
五千名籍隸西江乳臭居然擁節幢太尉一軍長不調擣菹蹴踘自雙雙

邸報二首

曾趨絕域拜毗盧降將還朝籍未除博得封侯須好語太平天子是文殊
暴露揚灰罪未伸肯容武庫貯亡新專車長狄僑如骨四出猶煩驛騎塵

卽事二首

爨婦粧成細馬馱梨園立部曼聲多太常別有平蠻樂不取金釵玉樹歌
幾處開疆議敘同綠旗歸去亦分功新加細鎧銜都督寶頂朱纓隊隊紅

諸葛武侯祠

割據人才出真從運數爭苦心扶季漢餘力到南征廟古寒鴉集山高薄雪成
渡瀘緣底事錯莫咲書生

自正月以後不得德尹消息用少陵遠懷舍弟穎觀等一首六韻

聞汝辭人幕經時少寄書兵戈淹別日梅竹且村居池草詩爭秀蠻燈歲逼除
兩年期易爽十口計全疎殘雪啣雙岫春冰破一渠依依游子夢長自繞林廬

白櫻桃花歌

空庭瘴消風日春櫻桃花頭繁且勻枝南枝北並時放初月隔窗浮粉雲梨花
無香李太俗別具幽豔存天真山胡飛來好毛羽字清調熟啼聲頻金鈴風細
驚不起啄花如妬花含嚔有時一片近人隊酒面掠過香煙煇故園開時記寒
食年年讌賞遲芳辰依稀爲汝評品格杏花顏色同鮮新眼前一樹白堆雪開
及二月當初旬近南已得天氣早雅態更自離紅塵有情相對萬里外一醉何
必非前因明年花時定誰賞我是今歲吟詩人

得家信

吉禮除喪後悲躑意各真他時憐弱穉此舉慰先人與俗寧從儉傳家合稱貧

一門婚嫁畢兩姓恰朱陳

小妹去夏歸陳季弟今春聘陳

寒食看海棠

不見鞦韆架榆煙火又更轉防花咲客真覺雨無情綺句紅紗護微風翠幄迎
萬山樵採盡憐汝獨傾城

偶遊東山寺

草長忽無路重來跡已陳寺貧僧乞食臺古佛蒙塵兵火殘碑劫鶯花絕域春
近南多戰壘愁殺獨游人

檳榔

不愁侵瘴癘開闢得奇功遠客熏顏醉蠻孃論口紅香迴金醴液清漱玉川風
萬里經相識誰憐庾信同

庾子山檳榔詩莫言行萬里曾經相識來

咂酒

蠻酒釣藤名乾糟滿甕城茅柴輸更薄桐酪較差清暗露懸壺滴幽泉借竹行

殊方生計拙一醉費經營

送彭南陔赴長沙卽次留別原韻二首

畫灰奇計決從戎入幕何妨許掾龔鄭俠圖曾傷目擊陳琳檄可愈頭風嘉魚有味江東好老馬無羣冀北空車壁擊殘壺口缺白頭白盡兩聲中

湘中風物近何如太息羅含未定居竹閣語清悲擁髻芝田春秀夢迴車頻垂旅橐千金散獨泛歸舟一葉虛劫火不燒周易壞乞音君枕祕發奇書南陔臨行授余

河洛易數

三月十五夜夢遊南湖追憶舊好因寄淮江

夢趁歸心得故園鴛湖遊跡宛然存濃煙隔浦浮諸塔春樹分行綠一村萬里烽煙遊已勸三年光景向誰論往來最憶尙書墅柔櫓伊啞直到門

四月十六夜喜雨

天苗小砦破春畊異俗差堪慰客情萬井雲煙扶小閣四山雷雨動空城漏侵書榻移難定臥想園廬去未成好是綠針浮水候陂塘徹夜有蛙鳴

黔陽卽事口號三首

帳有炊煙戍有樓山無林木水無舟王瓜入市家家病箐雨經梅日日秋苗婦
短裙多赤脚斲僮尺布慣蒙頭兵荒滿眼圖誰繪卉服先教遞速郵
土產丹砂及水銀若論肥賤自來貧蠻分烏白皆名鬼爨合東西略似人蕞葉
分鹽沾鵝舌檳榔和血點猩唇水西小馬新來貴買得偏誇內廩珍
役夫肩背幾曾停賴尾歌殘忍再聽劫過流亡初著籍碑傳德政已鐫銘羊腸
鳥道千盤瘴馬背牛皮百鞞釘正是西南需餉亟螳螂川路接蜻蜒

恭謁陽明書院

不遣先生成謫宦誰將理學闢荒榛後來事業皆由此異俗詩書遂有人
復壁只今留絕徼劫灰終古怨亡秦講堂亦與兵戈厄馬踏空塔萬瓦塵

送秦望兄東歸

萬里相逢有弟兄羈孤無那送君行兩腥雙袖弓刀血風靜諸山草木兵夢裏
田園重到眼蠻中兒女自成聲極南從古無秋雁歸去休輕議子卿

懷葉鄧林副使播州

重巒疊嶂鎖空壕，蜀徼孤城近不毛。
佛現催晴秋閃閃，鬼車啼雨暮騷騷。
宦途載涉應知味，鄉夢頻歸可憚勞。
計日江南秋信好，黃花酒熟待登高。

得都勻汪明府子參書却寄

劍河秋漲轉山鳴，桂象天低瘴壓城。
旅況難辭邊邑苦，蠻人能愛長官清。
巖光夜放金蠶蠱，兵氣秋荒木箐耕。
此際回頭家萬里，可因捧檄慰毛生。

送李子受往武陵並簡山學禪師

不是無家等罷官，客中卽次取粗安。
江清城郭移帆過，戰定桑麻避地難。
落日孤鴻迴健翮，西風老馬卸征鞍。
鄴侯自具神仙骨，燒芋差宜對嬾殘。

楊大中丞壽讌詩八十韻

宇宙方多壘，英雄必大儒。
兩朝懸碩望，一代應貞符。
學貫天人策，才鎔造化爐。
清名傳四世，賦價儷三都。
暫應郎官宿，旋棲禁掖梧。
龍鱗批可畏，虎齒探何虞。
銳氣真無敵，虛名自不沽。
在廷推小諫，有識服訐謨。
十載官難調，三遷秩稍渝。

納言班漢爵罔命入周書繼領霜臺豸重聽柏府烏花驄行盡避赤棒或時須
姻婭論權貴歡傳溢路衢異時公望合一德舊臣孚再秉金銀管弘開貢舉途
風流歸吐納文義闡榛蕪桃李公門盛茶煙瑣院晡徽猷真藉甚經術故非迂
撤帳傳衣鉢臨軒命僕夫上情深眷注廷論協都俞鎖鑰西南重 恩榮禮數
逾雕鞍紅叱撥宮宴玉盤盃朱芾加元老黃金賜內帑不應煩侍從直爲寄彤
旅赫赫千秋業明明萬里塗三旌紛照耀單騎歷崎嶇憶昨初開幕殘疆尙負
岵客塵雙短鬢時事一長吁深箐蠻調象叢祠鬼托狐蒼茳生膽勇警策戒衣
繻大義攻鳴鼓先聲算獲俘壇場收老将舟楫付烝徒轉粟時方亟屯田計似
紆量沙俄積聚編戶悉將輸剖斷才無滯沈深意每殊幾時休戰伐隨處萃逃
逋間道纔通蜀前軍已渡瀘焚巢移渥朴拔穴徙於菟及見干戈息從教政化
敷時危須震厲地瘠賴支吾樓爲籌邊築弓因克敵呼經年煩草創卽事具規
模俗陋雖難化苗頑亦可忤羈縻存體統指摘訝睢盱發難相如檄留心鄭俠
圖御囚仍有禮討罪每矜辜疾苦逢人問瘡痍試手扶心銘關感動口惠詎驩

娛春雨膏會徧秋風病卒瘖哀憐看賣劍痛切請蠲租澤雁勞初集吳牛喘漸
蘇陰功多被物憂國細傾壺世儘榮殊遇公猶孫碩膚乞歸辭婉委 優詔答

勤劬法曜輝南極 皇威暢兩隅印金龜轉紐袍錦鶴呈珠側聽中興傳誰云

往事誣穀城傳指石鈴閣叶懸弧俯仰差無負韶華好自愉長生花是桂異域

酒名蘆野獵登麋鹿山肴進鷓鴣黑頭光黼黻明目豔氍毹仙骨清方貴豪家

習總無風華衿少壯顧盼指須臾瘴癘披襟淨煙霞滿腹腴西園催刻燭東郭

濫吹竽賤子通家舊頻年幕府趨孤蹤隨泛梗里耳厭皇尊自比依枝鵲誰憐

伏櫪駒襄陽留叔子夏口滯元瑜鄉思年年共陪遊往往俱禮優慚上客才短

惜微軀知己能容拙開懷必盡愚但令親几鳥何用苦牽拘古有輕投筆人今

異執及詩狂容杜甫操狹笑淳于感憤尋常失蹉跎歲月徂受知非泛泛述報

抵區區醉酒杯長潤啣毫墨未枯平淮碑好在未敢憶江湖

九日同赤松上人登黔靈山最高頂四首

絕磴扳躋望已窮忽穿鳥道入禪宮雲端方丈娑羅日井底孤城屬葉風草木

連天人骨白關山滿眼夕陽紅興亡何與閒僧事一角枯棋萬劫空
空谷西風晝怒號山寒九月馬歸槽路危怪石驚將墜天縱諸峯勢競高羅甸
一軍深壁壘滇池千頃沸波濤勞人何限登臨意不向糟丘覓二豪
諸將開邊振鼓鼙幾聞京觀築鯨鯢巴寶未脫金牛險土貢長聞櫪馬嘶事異
汶陽休許魯謀新曹沫恐輕齊亂山中有豺狼穴曲突何人議水西
渡瀘溝畔闢新阡瘦棘荒苔半石田漸有疎煙生郭外那無一雁到天邊蠻方
對景憐佳節客路登高感去年落帽臺孤風雨暗短裘長路又三千

十月二十二日接德尹長沙第二信驚聞三叔父訃音旅中爲位而哭
悲痛之餘得詩三章

荆南風雨沅南雪幾處追隨意最親乍喜遠遊依骨肉却愁別路沮音塵人來
絕域原拚命事到傷心每怕真兩地存亡身萬里一襟啼血隔江濱
燈花剝落雨沈沈昨夜長沙有訃音薄宦竟虛三徑計首丘終負九原心老成
頓盡天難問家運中衰勢不禁好與精靈扶後起松楸先兆已成陰

臯魚路盡獨悽然此意能生叔父憐豈謂縗麻辭故國重將涕泪洒蠻天孤蹤黯澹成千里一信蹉跎到半年也擬招魂歸未得瘴鄉誰與慰沈絛

得荆侯姪習安訃信拭泪寫此并寄尊人楷五兄二首

手札頻開破旅愁訃音此夕黯然收眼枯倦枕孤燈淚天偏哀猿萬壑秋憂患豈知緣識字男兒真悔覓封侯一棺難揜平生氣鬼火高于百尺樓

黔兩滇風近十年歸裝臨發尙遷延浮名誤汝今如許異域生還洵偶然賸與孤兒留筆硯最憐少妾賣花鈿倚閭別繫高堂望旅櫬何時到墓田

老僕東歸寄慰德尹兼示潤木

迢迢萬里途莽莽三歲隔離惊兼旅况雜沓難並釋欲寬居者情聊紀獨行跡前年遠辭家荆南事挾策中丞天下賢謁入容揖客賓徒車服盛中有麻衣雪偪臘踰洞庭羽毛風疹瘵武陵一春住山水愛澄碧尋僧就閒暇橫草應煩劇隨師赴辰沅跋涉隣殞滅麻陽三挂帆銅仁雙著屐前軍灑陽戰破竹勢深入偪臘抵貴陽孤城如破驛荒署瓦僅存窗戶悉頽拆移時開敞篋稍稍置硯席

主人況巨才手自樹英烈蠟丸刺閨至文案日幾尺岑范媿幕僚但坐看壁畫
邇者西征將繼被中旨責已合兩粵師咽喉勢交搯滇城久未下攻守力云竭
師久必屯田其能懸釜鬲熨僮竄榛莽廢土曠牟麥卽事常躊躇察眉愴捐瘠
那無一尊酒排遣就務隙蠻花非時開犴烏亂格磔窮愁託吟詠好語慰行役
束縛得蹉跎年華坐拋擲憶昨初來時針孔冒矢石髑髏委亂草霧淞雜凝血
馬驚忽騰躍人意一悽切亂離民命輕鷄犬等狼籍僕夫掖我前慘慘度軍柵
回思田園樂歲晏情逾迫功名捷徑啓大府破常格我無卜式貲寸進計斗石
移文累好友初約背疇昔全生爲門戶識者應見惜枵然旅橐垂念爾勤拊撫
家門忝居長慚愧少擘攄子言嫂姪貧何忍分涓滴不記少小時推梨恥割宅
開函見子意至性生感激族譜教方衰錙銖起牆闥豈知手足恩具邇異疎迹
卽此慰先靈庶幾免離析草堂父書在千卷皆手澤西園梅竹林十畝錯塍陌
得錢了公稅餘用佐菽帛讀書兼治生生理恆苦窄吾方逐游惰勉汝終苦說
長鬚隨我久嬾惰亦成癖憐渠筋力衰遣去情脈脈臨發寫此詩萬山猿叫夕

烏山戰象歌

并序

歲六月前軍轉戰于烏木山陣獲三象遂以捷告驅象北行道出貴陽觀者如堵僕爲作歌

烏山轉戰煩驍騎鴉鳴牙中風捲幟南人驅象迎我軍鼓未成行氣中潰渠豪力盡投深箐竄鼠奔猿互顛躓是時三象屹不動却立如山鼻垂地將軍獲象等獲俘陣上懸金募生致須臾拔箭膝行入柱聳圓蹄一十二橐駝珠玉壓背裝象也輕身受人制我聞內殿舊成羣食俸曾援三品例牙花雷兩偶一開何必焚身因挾賄此行生死隨所置莫更回思戰場利君不見功成則騁敗輒降世上男兒盡如是

送人赴黔西

羅甸西游影倍孤亂猿啼入贈行圖邊城事少餘詩興幕府花開散酒徒北鴈久遲鄉信到南霜偏著客髯枯封侯不是書生事投筆無端咲渡瀘

詠史八首

翻覆興亡閱兩朝老來劉凜氣逾驕十年賓客謀何密四海漁鹽利頗饒西貢
幾曾歸武庫南琛無復換文貂徙薪可少長沙策一擲金甌險得梟
近說孤鷄死首丘特煩獻馘入皇州朝家舊識田橫面飲器難寬智伯頭視葬
敢容雙騎客爭功何與什方侯天南從此無征戰上苑昆明罷習流
輓轡綆斷井應枯溢主休傷押不蘆粉麝餘香啣語燕珮環新鬼泣啼烏殘粧
掩鏡雙蛾短白虺埋沙尺土無別有紅粧連騎入金盤銀燭揀明珠

析骸食肉一城空阿父空提五尺童旅火焚巢何自苦齊書飛矢竟誰功大臣
未必憐朱瑒故吏寧須問向雄滿眼殘黎皆僕妾向來跼縮倚神叢

風急降旗舊折竿播州歸甲極凋殘一時管統援師盡同日臧洪赴死難赤手
何顏還抱馬白頭無望復登壇大斤山下逢隋將猶作燉煌戍卒看

襲美官高並入秦他時聲望起紅巾豈應東市陳尸客妾比南唐下第人記室
有文慚勸進霸才無識咲輕身鴻毛一燎全家盡豫讓橋荒鬼火新

勾漏龍門接壤間謾勞回首望刀環銷沈戰壘金沙闊畫斷關河玉斧閒季布

敢論亡命去田疇爭許奉書還滿堂舊日三千客幾個聞鷄並出關
大廷一意注安危充國金城事不疑滇海有人聞鬼哭棘門此外盡兒嬉古來
成敗原關數天下英雄大可知莫咲書生無眼力與君終局試論碁

黔陽元日喜晴

以下
壬戌

曙色晴光一片明亂峯銜雪照孤城未吹北笛梅先落纔及東風柳便輕萬里
煙霜迴綠鬢十年兵甲誤蒼生眼前可少豐年兆野老多時望太平

楊南城自鄢陵陞任劍川州牧道出黔陽因病乞休比方養痾黔靈山
寺高其勇退之意作詩贈之

如此山深可耐寒鬢絲禪榻且盤桓日南郡較中州僻天下官惟牧守難世路
交情雙鬢換春風歸信一帆安君家舊住吳淞岸三泖煙波底樣寬

送友人入蜀

揚鞭倚劍出牂牁鈎棧盤雲幾驛過盜賊烽銷諸郡僻英雄祠入亂山多居卜
未穩寧論地行路雖難莫放歌便擬題詩繼夔後此邦風物比如何

水西行

烏蠻遺種稱羅鬼，剽悍斷頭能掉尾。傳從濟火年代深，世土居然屬宣慰。我從里俗詢大概，復取輿衰質。諸史中古荒茫不足論，淵源請自先朝始。洪武初年禍亂平，遠略愴荒來。越雋是時奢，香一巾幘躍馬金陵謁天子。承恩歸去立奇功，一諾西南九驛通。却咲五丁開不到，亂山高下隔蠶叢。二百餘年太平業，世世分藩比。臣妾後來生，聚啓規模四十八。支互蟠結別開荆，莽起臺殿硿戶硿。房高櫛櫛已分王，土作王臣旋練夸。兵護夸穴剝牛磔犬片，言重聚蟻屯蜂一呼。集布囊籠髮氈覆肩負弩操刀輕出沒，泰和功烈汾陽亞。神廟中年平播賊，當時亦用水西兵。驅使前行借餘力，釀成殃禍啓禎朝。殺吏圍城氣漸驕，深宮南顧鞭難及。諸將西征功屢邀，土司如狼吏如鼠。八捷餘威棄歸路，內莊一夜隕河魁。明日三軍齊縞素，眼中大創真無幾。可惜偷安旋就撫，閣鴉關外曉傳烽。靄翠營南夜鳴鼓，爾來桑海變須臾。此輩根株未盡除，有性陸梁還似故。朝家謀略故非疎，經營特借強藩力。辛苦開疆一載餘，至今父老猶能說。墨守輸

攻真勁敵老窠地險石作城要隘不容雙騎入銅牙毒矢斃濡縷竹柄長矛利
鉤棘馬蹄過嶺捷于猱革甲環身輕似葉連宵斫陣萬炬明散入深林曉無跡
蛇神蠱鬼助饕虐飛食人頭吐人血砦前路斷臨奔壑失勢一摧千萬尺四山
伐木斲作廂裹用牛皮冒生鐵石板懸絙下槌門雷斧轟天巨靈劈攀藤健兒
氣力盡拍手蠻娘咲投石重圍坐困又經時轉粟方愁乏良策豈知存滅總關
天渠首終成戲下懸萬嶺提封開四郡一朝腥穢滌千年自此巖疆少蜂蠆餘
威遠懾諸苗砦空留徼外廓清功自踏人間僭亡罪此日重勞問罪師烏飛三
匝失棲枝忽傳耐德生還日趙氏中山尙有兒烏蒙倚角稱甥舅曾是安坤舊
婚媾也挈遺孤代乞哀復歸故土希恩宥頗聞軍令競邀驩滿許閱田復見還
土貢紛紛呈鐵踣庚苴往往賜銀盤寄語封疆諸大吏從前開闢談何易莫貪
扯手納金錢此事孤雛有深意輸糧禽賊爾何功王會圖成戎索同不見天心
今厭亂戰場新鬼盡英雄

中山尼

中山女尼顏似玉布襪青鞋行彳亍白日潛形灌莽中逢人不敢吞聲哭自言
生長本名家阿父才名宋玉誇千里飄飄隨遠宦一家迢遞入三巴養成嬌女
嬌無偶掌上明珠唾隨口花前侍妾盡知書鏡裏新粧時學母自從觀察去朝
天官署清涼遂可憐寇盜西南俄阻隔彗氛狼鬣掃東川孤兒寡婦皆臣僕翠
袖褰蘿行補屋賣散平頭計漸貧嫁分紅粉身何獨飄零無賴到南遷夫壻移
家遠入滇幾夜新婚成永訣旋收戰骨葬江邊早年淪落多關命石上三生眼
前證便遣情緣着死灰行依心月開圓鏡小鬟何意尙隨身宛轉青絲手共分
金剪無聲雲委地寶釵有夢燕依人扶攜同向中山寺改口人前喚師弟別與
繙經起法名慶光舊是閨中婢皓齒明眸兩比丘久拚生死等浮漚香燈繡佛
前因在從此相依擬白頭晨鐘暮鼓流光易荏苒今年三十二骨月深恩且勿
論滄桑時局關何事何當六詔又屯師十月孤城乍解圍將軍奏凱功無敵悍
卒揆牢勢不支移巢拔穴驅人起但是有身無避理一朝蓄髮強同行幾度剗
刀猶不死歸程昨夜次偏橋哀角吹殘令寂寥却喜道傍俄見棄草間趺坐度

清宵同行偶傍江東客指點雲山曉來跡雙江暫擬尋同伴半路又驚逢邏卒
太守呼來淚未乾含啼一一語悲酸亂來莫說爲官好兒女姻親那得完夢裏
生還愁故里依稀記得萊陽是已作昆明劫後人托根何必仍桑梓君不見列
帳西來珠翠圍忿忿粉鏡去如飛不知皂帽天涯住何似紅裙馬上歸

班師行

滇池平滇水清滇南曠蕩餘空城犬無夜吠鷄不鳴將軍奉詔初拔營幾姓分
旗徧行賞同時帳下添廝養何取邊頭戶口繁十年生聚滋奸黨白頭翁媪啼
且僵棄擲不得收戎行翻身一仆委溝壑骨肉滿眼紛飄揚紅顏如花扶上馬
坡高驚墮珊瑚把兒郎新嫁羽林軍山下人逢執鞭者近前一隊飛塵起中有
傷心泪偷洒朝家本意重開邊劇賊初平近十年爾等纍纍皆鬼妾偷生敢復
祈哀憐卽如滇城圍七月未能下戍卒壘頻高書生箸誰借君不見禁旅一出
西南通煌煌中旨褻膚公參軍誇謀士誇勇逢時多少稱英雄綠旗只合就
裁汰那許尺寸貪天功從此歸成垂白叟賣刀買犢安農畝猶及生兒際太平

家家相賀持羊酒

和答彭南陔長沙除夕見寄原韻

薄遊依地主歸計幾時成
老被妻孥累貧銜故舊情
綠尊消夜淺白髮競春生
亂後飄飄跡能無感北征

黔南署中連接與三子穎右朝手書知德尹已入燕歸計遂決先馳詩以寄

出門儔侶稀蒼莽七千里
豈不念離羣徒亂人意耳
素心十餘輩一散如潑水
同源乃殊流所到隨坎止
行人半萍梗居者僅桑梓
所恃氣誼敦尺書屢見慰
開械試終讀感歎忽中起
吾弟賦北征殘冬東行李
巖程霜雪惡急往寧得已
雙親尚淺土舉念每顛泚
幼弱兩三人田廬詎堪委
我來已天末欲去難遽爾
烏道阻且長戈船塞江汜
主人荷垂諒告別輒諾唯
僮僕亦欣欣行期屢屈指
到家幸非遠計日及秋尾
期子賦同歸開園召知己

敬業堂詩集卷四目錄

端歸集

發貴陽留別大中丞楊公三首

高寨

度雲頂關

將至清平縣馬上作

晚宿龍里縣署

母豬洞觀瀑

冷溪

平越遇雷玉衡索留別之句口占贈

人之

黎峨城北福泉山張三丰禮斗亭尙

存

題興隆衛聖母閣

寓樓晚坐

偏橋田家行

晚登偏橋玄都觀後閣

重宿澗陽中山寺贈紫橋長老

舟發沙灣入沅州境

天星灘

神堂灣村家

辰溪縣晚泊

瀘溪道中

兩頭纖纖曲二首

晚過界亭

桃源訪胡孔志不值

沅江縣治濱湖居民皆漁戶水盛時舉家乘舟入湖秋冬水縮則結茅沿

岸住

將之長沙留別沈將雲

青草湖

長沙舟次聞德尹入黔之信二首

長沙喜遇彭南陔

長沙雜感四首

同南陔九畹遊嶽麓中途遇雨興盡而返

八月十四夜洞庭舟中風雨再寄德尹黔南

洞庭阻風歌

中秋夜洞庭對月歌

湘江舟晚

岳州

赤壁

夜宿解州驛

過湖口作

登蕪湖浮圖

木末亭謁方文正景忠烈兩公祠

發儀真

欲登金山不果

梁溪秋晚

初到家得陳六謙書并見寄詩二章期余作北遊馳聲以報

哭王右朝四首

除夕與潤木分韻二首

不見外舅陸射山先生屈指六年今春奉謁里門旋有吳行兼以送別二

首

重過聽鶯齋與徐淮江話舊

三月晦日陳元亮家看海棠

傳經堂歌卓次厚屬賦

同淮江登東湖弄珠樓

過吳漢槎禾城寓樓

吳門喜晤梁藥亭

聲山姪自都下歸相見閩門舟次出

荊州兄手札期余北遊戲作一詩以答

同祝豹臣及家西崴叔飲韜荒兄齋

養蠶行

麥無秋行

西園書屋順治丙戌燬於火瓦礫之場長養茨棘垂四十年比方有事於

墾闢既惜地力且以習僮僕之勤焉用東坡七首韻與潤木同作

題朱子蓉六丈所藏張穆畫馬用黃山谷韻

送唐殿宣之浦江學博任

同韜荒兄飲鄭春薦齋

七夕同鶴江孝績序仔集淮江聽鶯齋

次谷兄自粵西扶先伯父櫬歸里二首

彭南陔長沙寄書知其長郎越千已於去冬物故一詩當哭兼以相慰

雨中過董靜思山居
不飲飲荒兄齋題陳允文圯橋授書圖小影

同人中秋集陳寄齋宅
過曹希文齋

有感戲寄韜荒兄
去夏余自黔東下與德尹相左於辰

沅道中今德尹嶺外將歸余又有西江之役二詩留寄

留別朱日觀祝豹臣朱與三陳寄齋王南屏家西壽叔韜荒兄眉山姪二

首

西江集

將有南昌之行示兒建

輓呂晚村徵君

黃晦木先生從魏青城憲副乞買山資將卜居河渚有詩十章志喜邀余

同作欣然次韻亦如先生之數 武林哭萬充宗二首

宿梨洲夫子武林寓舍即次先生丙辰九日同遊舊韻二首

富春道中

兩過桐廬

睦州

泊茶園

淳安謁海忠介祠

青溪口號八首

威平鎮舊名青溪洞韓蘄王擒方臘處

入歙州界

鮎魚口中流一山俗名小普陀絕頂

佛閣頗盡結攬之勝

從屯溪坐竹筏至休寧縣

遊休寧城南落石臺

過齊雲山麓

晚至漁亭

祁門

發猴潭出倒湖

浮梁縣

景德鎮觀御窰瓷器歌

登饒州鄱陽樓八韻

曉渡鄱陽湖

送又微姪自豫章東歸兼示德尹

錢玉友自嶺南來

玉友別後寄詩二首次韻奉答

杜肇余侍郎巡海閩粵故人嚴子愿在其幕中道出南昌詩以贈別

喜陳允文自故鄉至

題聲山姪仗劍擁書圖

元宵前一夕家觀察伯署齋小集次允文原韻

與劉北海

章江舟次送李斯年赴湖南幕府二

首

楚黃陶忠毅公以世胄協守寧前衛

癸未城陷公殉節焉事具合肥宗伯行略其冢子上辛出公畫像索題

用舊韻

黃泥山村看桃同錢道耕倪上韓家

兄子敬南城友日姪聲山

新柳詞和允文二首

次韻酬別聲山姪

疊前韻酬別友日兄

三疊前韻留別恭庵兄

四疊前韻酬別允文

同聲山姪過羅飯牛禮洲草堂別後賦寄用昌黎寄盧同韻

芙蓉庵水亭

清明風雨舟發南昌允文聲山追送

於江干更以數言留別

康郎山功臣廟十四韻

餘干道中

昌江竹枝詞八首

齊雲山六絕句

武林寓樓與德尹夜話

立夏前三日集汪寓昭願學堂兼留別姚天寰顧九恆沈昭嗣陳廣陵章

豈績馮文子巖定隅及家德尹時余將入燕二首

西水讌集留別姚夢虹宋受谷張王士張介山邵翼雲金子由吳震一卓

次厚九如

敬業堂詩集卷四目錄

蘇子瞻

蘇子瞻

蘇子瞻與陳慥書

蘇子瞻與陳慥書

蘇子瞻與陳慥書

蘇子瞻與陳慥書

蘇子瞻

蘇子瞻

蘇子瞻

蘇子瞻

蘇子瞻

蘇子瞻

蘇子瞻與陳慥書

蘇子瞻與陳慥書

蘇子瞻與陳慥書

蘇子瞻

蘇子瞻

蘇子瞻

蘇子瞻

蘇子瞻

蘇子瞻

敬業堂詩集卷四

海寧 查慎行 悔餘

遄歸集

起壬戌五月
盡癸亥九月

客楊中丞幕下且三年德尹以壬戌正月北游余在黔聞之遂束裝遄返
與季弟潤木局促里居甫周一歲不及待仲歸又將出而丐於親舊矣合
歸途所作及家居詩共成一卷名曰遄歸集

發貴陽留別大中丞楊公三首

風波纔過又烽烟一路看山漸近滇浪跡南雲真萬里濫竽東郭忽三年孤熊
舐掌粗知分飛鳥依人正自憐不覺對公成洒涕也應容我賦歸田

鄉社枌榆隔後塵交情翻借布衣親勒銘事大才難稱絕代人稀見始真寶匣
異光刀剖玉銅盤高燄燭輝銀他時重話西征績慚愧曾充幕下賓

紛紛桃李艷公門駑鈍如余尙服轅明鏡何私顏欲換清談無用蝨空捫人來
江左名慚項詩和春陵格紀元東縛倘酬知己分敢隨流俗說啣恩

高寨

綠蕨荒無際黃茅直到天祇因鄉路遠猶自惱啼鵲

度雲頂關

目極雲生處到來雲滿身時清存畏路與盡有歸人馬力疲堪惜禽言聽似真
往來經戰地白日起陰燐

將至清平縣馬上作

石秀山漸佳城荒日將暮遙見孤烟生猶知有人住

晚宿龍里縣署

官舍周圍帶土牆盆池新漲接方塘歸人已夢田廬好只道蛙聲是水鄉

母豬洞觀瀑

巒中六月交山路苦焚爇臥聞夜雨來快起尋乳穴入洞微有聲足底響嗚咽
出山忽震怒閃睽不容掣巖前匯奔流人駭馬辟易來如曳組練一綫注飛白
跌為淵潭深湛湛落澄碧石牙互參錯吞吐霹靂舌直從灣潭底跳沫騰百尺

慘慘天變容凜凜風作雪岡頭杜宇叫萬竹劃然裂將歸得奇觀頓解肺肝渴

冷溪

溪渾三尺雨馬渡一汀烟徑轉長防虎沙平忽有田斷雲依岫險亂草得花妍
滿眼悲涼意新詩記不全

平越遇雷玉衡索別之句口占贈之

依舊青衫把一鞭紛紛白面看談邊冷官未了從軍志岐路猶餘話別緣急雨
淋浪茅店外亂山高下馬蹄前得歸吾已無餘恨只欠游蹤未到滇雷滇人也

黎峨城北福泉山張三丰禮斗亭尚存

清池照影樹扶疎亭前有浴仙池長生桂書靜廊空想步虛閱世人來棋散後出山雲澹

墟
雨晴初窮塵滾滾孤亭在浩劫茫茫百戰餘華表鶴歸應有泪舊時城郭半丘

題興隆衛聖母閣

隔斷荒城別一丘蟬聲寂歷鳥鉤輦忽來風雨疑無暑如此林巒合有樓塵刹

留僧還竿弈瘴鄉有路莫回頭澹忘未必同靈運直爲清暉作少留

寓樓晚坐

一聲清磬出柴關庵主軍持乞米還暝色羣羣栖樹烏夕陽朵朵隔城山

偏橋田家行

結茅住山顛種田在山麓田荒費牛力僅得播種穀七年際離亂饑饉死相屬
稍思歲一稔生命絲或續師旅比凱旋驕嘶百萬足黔山無水草何以充苜蓿
成羣走阡陌泥淖沒馬腹食葉躡其根螟螣等荼毒秣芻一朝盡婦子終歲哭
天下自昇平民生有踳踖我爲老農語物理視反覆來年期好收重看秧田綠

晚登偏橋玄都觀後閣

承平推舊鎮設險控西南水勢全趨楚山形尙帶黔壤城平似掌古觀廢成庵
卽事多興廢兵戈實厭談

重宿灑陽中山寺贈紫橋長老

水色山光淨眼前下臨無地有蒼烟長虹自亘西來路峭壁剛支北面天開士

偶逢堪一咲舊游重到已經年
亂離風景勞生夢可少秋堂借榻眠

舟發沙灣入沅州境

烟村紅日吐初晴野泊艚船促早程
秋水澄鮮魚味美曉山葱蒨鳥言清
城連槩瓠形猶壯灘過鷓鴣怒未平
我是沅南留滯客舊游一一總關情

天星灘

明星的的吐飛湍石勢參差亂眼看
莫擬乘槎到天外偶從奇險博奇觀

神堂灣村家

布裙翩翩短幅高髻亭亭古粧坐
看人成翁媪不知世有姬姜

辰溪縣晚泊

夕陽孤塔表辰溪江面初寬地漸低
從此一舟平似掌萬峯回首夜郎西

瀘溪

傍穴纍纍架樹梢懸崖百丈俯江坳
小舟恰傍山根過長恐風狂墮鳥巢

兩頭纖纖曲二首

珍傲宋版印
兩頭纖纖嫩子船送郎只到洞庭邊四時雪浪灘前石白日雷霆枕底天
兩頭纖纖月上弦中秋屈指又今年歸路二三百里近別家四十一回圓

晚過界亭

晚景融怡剪渡還鳧鷖隨我過前灣半江風色參差浪臥聽猿啼夾岸山

桃源訪胡孔志不值

漢陽分袂已多年聞說遊蹤久入燕歸路我經秦客峒故人貧就廣文甑桑麻
舊俗今誰主苜蓿荒齋醉少緣秋雨暮帆惆悵在可堪回首洞庭烟

沅江縣治濱湖居民皆漁戶水盛時舉家乘舟入湖秋冬水縮則結茅
沿岸住

官舍無城傍水濱鷓鴣鴨半居民疎燈幾點夜呼渡老屋百家秋結隣岸曲
蘆深長響兩船頭魚健欲驚人饒他小縣輸漁課賦斂湖湘俗久貧

將之長沙留別沈將雲

武陵溪口手重揮獨向長沙未得歸憑寄家書傳客況爲言弱羽又分飛

青草湖

淼淼湖光天盡頭，矇矓初日起蘆洲。
小船百折行難到，一片蒼雲白露秋。

長沙舟次聞德尹入黔之信二首

去年此地君思我，君到黔中我又歸。
世路茫茫誰料得，離人黯黯意多違。
兩萍湖海原難遇，獨雁瀟湘正嬾飛。
此夜夢回姜被冷，殘燈疎雨倍依依。

岐路匆匆過朗州

弟去常德纔五日而余至

菊花初約誤林丘，音塵京國書遲達。
詩草炎荒

客善愁道路，半年成萬里。

德尹于正月自故鄉入都，今又來黔，故云。

江湖一信到孤舟，跼鴛浪泊來

何爲歸去吾方羨，少游

長沙喜遇彭南陔

鷺立蘆花淺，水蟹肥稻壟。
新霜夢去故鄉秋，好一尊閒話瀟湘。

長沙雜感四首

水遠山平極望賒，湖南風物一長嗟。
屈原已去終亡國，吳芮如存可世家。
湘竹舊痕啼夢雨，薜蘿新鬼怨囊沙。
孤城自繞殘陽岸，風急秋清急暮笳。

倚角關山百戰過，征南精銳竟如何。牛羊隊逐移營盡，犀兕人傳棄甲多。蜀虎連年勞悵望，黔驢無技任譏訶。孟明一嘗功無敵，別路今聽唱凱歌。

窮年供億奈兵荒，穀賤傷農力莫償。地遠舟車還絡繹，時清圖繪有流亡。勞魚未必忘煦沫，集鴈何當穩稻粱。十萬人家君勿問，如今瘠土是三湘。

卑濕南遷事可哀，鬼神宣室召空回。君臣如此猶嗟命，絳灌何人乃忘才。史漢高文光照耀，江山故宅客徘徊。治安敢擬長沙策，直爲先生痛哭來。

同南陔九畹遊嶽麓中途遇雨興盡而返

緜帙曾披北海碑，南游雅與素心期。好奇歷險人皆咲，冒雨尋山興又癡。雙屐泥痕苔剝落，一江帆影浪參差。衡山咫尺猶難到，敢望雲開似退之。

八月十四夜洞庭舟中風雨再寄德尹黔南

扁舟小泊最蒼涼，那更回頭望夜郎。浪跡久經烟瘴地，懷人今在水雲鄉。燈紅極浦秋何際，月黑寥天夜有光。滿眼江湖飛不到，始憐羽短道途長。

洞庭阻風歌

湘陰去岳陽湖面一日程雲從北來風色惡吾力敢與吾命爭船頭紙錢撒白
兩舟子酬神致私語老鴉啄肉掠水飛廟祝鳴鐘月東吐大哉神靈本至公憑
私詎可祈感通不如繫船整篷索南北東西預難度明朝風便從爾行莫使有
風帆力弱

中秋夜洞庭對月歌

長風霾雲莽千里雲氣蓬蓬天冒水風收雲散波乍平倒轉青天作湖底初看
落日沈波紅素月欲升天斂容舟人回首盡東望吞吐故在馮夸宮須臾忽自
波心上鏡面橫開十餘丈月光浸水水浸天一派空明互迴盪此時驪龍潛最
深目炫不得銜珠吟巨魚無知作騰蹕鱗甲一動千黃金人間此境知難必快
意翻從偶然得遙聞漁父唱歌來始覺中秋是今夕

湘江舟曉

清湘清徹底人影淨征衫秋水漸歸汜遠舟惟見帆荒洲無雁到落日被龍銜
一樣天邊月今宵迥不凡

岳州

湖腹平吞爾許貪湖唇一噴勢難拊力爭全楚功誰最識應孤城戶已三客夢
堠長還堠短夕陽山北又山南太平設險非無意漁獵丸泥敢尙探

湖中盜賊充斥故云

赤壁

一戰三分定英雄洵有神古今才不偶天地局長新故壘秋吹角荒江晚問津

祭風臺下路惆悵是歸人

夜宿解洲驛

洞庭晨出險小驛宿兼程漁火遠村沒雁沙殘月明萑苻荒大澤賦斂窘餘生

不敢論時事乾坤及罷兵

過湖口作

楚水吳烟一覽收新移鎖鑰控中流誰興桑孔緡錢利盡算江湖大小舟山脚

酒旗孤店晚縣南風色亂帆秋詩囊壓擔琴扶膝關吏何妨咲薄游

登蕪湖浮圖

落帽家山記幾巡第兄南北各傷神
茱萸明日重陽酒五處登高各一人

時家次谷

在粵荊州在燕德尹在黔惟韜荒家居故云

木末亭謁方文正景忠烈兩公祠

一姓興亡際忠臣尙力爭百年公論定兩字易名成
山雨晴蒸氣江雷怒作聲

君看南渡後降表出書生

發儀真

綠楊城郭碧蘿洲夾岸紅燈映酒樓
爲愛吳船聽軟語買帆連夜下真州

欲登金山不果

也有登山興中流去不多眼中江路盡
翻覺畏風波

梁溪秋晚

繞郭林塘淨晚烟放閒黃犢水平田
吳霜未剪江南綠猶有菱歌動敏舷

初到家得陳六謙書并見寄詩二章期余作北遊馳聲以報

睽違不在久依依念儔侶與子惜分陰
矧乃遞寒暑六年五寄書故人在肺腑

才華我何有藻賞終見許久要期勿負感子心獨苦師門一回首過眼如風雨
初約貧漸淪旁觀惜毛羽青衫行謁選此意吾諒汝昂藏七尺軀行與衰老伍
忿忿簿領下英氣恐少沮并州地苦寒臘盡雪片舞蹇驢數十驛遠宦等羈旅
此邦經五季地險全用武連延二千年往往警鞮鼓海內今連兵閩粵接秦楚
河東耕鑿安天道合存撫安邑古帝墟唐俗仍樸魯官清資俸薄折柬到鄉土
也擬上羊腸得君作賢主

哭王右朝四首

還家約略中秋後長路風波恨稍遲六日不詹君尚望三年重到我成悲魂來

蘋末蛟龍駭泪殺燈花枕席知怪得吳江催噩夢喚迴孤帳兩飄絲九月十二夜舟泊吳

江夢中忽有人大呼曰三日內汝當有奇禍一時驚寤明日到家遂聞兄重陽計信

卅載交親氣誼中蓋棺事了太匆匆擬從頽俗存家法不願諸甥有舅風冰雪
一枝憐菀鵲圖書四壁哽秋蟲東山便是西州路欲學羊曇計轉窮

勿論死別與生離存歿心傷無盡期鮑叔有情貧敢諱尚平多累出偏遲向來

語笑猶堪憶從此肝腸好付誰海角天南諸弟散訃音欲寄苦差池

未改頭銜屬望虛手題丹旄又躊躇攜來萬里千行泪檢得三年五度書

余出門以

後兄凡五寄書

好事誰還評月旦餘生吾久負居諸文壇詩社飛揚氣百念俱灰一慟

餘

除夕與潤木分韻二首

曾爲茆堂乞少資不成覓地向西枝弟兄蹤跡團圓少兒女心情指顧移扣角
騎牛聊復爾設置守兔定何爲升沈此際知誰是欲悔身謀又自疑
燈花檐雨夜沈沈慰我淪飄得故林久別翻驚相對影急裝誰諒倦游心時清
壯士才難盡俗薄貧交望苦深稍喜來年春帶閨未應相對廢聯吟

不見外舅陸射山先生屈指六年今春奉謁里門旋有吳行兼以送別

二首

以下癸亥作

鬢霜髯雪走天涯拂袖歸來記歲華海內詩文無手敵座中筋力許誰誇談深
世態多經眼老喜遊踪漸近家五柳有情難繫別勿論鄉思米囊花

亂餘三徑長蓬蒿栗里田荒尚屬陶逸與人扶雙屐健名山天斬一星高春濃
遠市紅燈月烟泛輕帆白鷺濤怪底尊前還戀戀六年書疏阻江臯

重過聽鶯齋與徐淮江話舊

風雨高齋別幾春小池佳樹碧添鱗兩湖地主憐君在三月鶯花笑客頻夢裏
何曾忘對榻畫中只合著閒人倦游莫訝歸心切知己無如穉子真

三月晦日陳元亮家看海棠

一番陰雨花期盡難得君家尚有春路隔西川無好句眼明南郭又芳辰濃雲

薄霧憐香意翠袖紅紗絕代人還有掛帆惆悵在滿湖烟水夢何因

與顯武別有約而未

遂故云

傳經堂歌卓次厚屬賦

後生學術無授受往往談天咳衍口春華秋實古難兼氣節文章誰不朽塘西
卓氏本望族遜國名臣侍郎後天教一姓留典型幾輩蟬聯起諸叟西京篋衍
探源委北宋儒林辨誰某煌煌藜火燃太乙種種琅函發大西雕龍餘技矢穿

楊石鼓舊文魚貫柳一經三世屬名家兩字千秋推作手頗聞名儒後必大賢
嗣文孫洵非偶百年棖楠尙如新別築祠堂寬十畝已看歌頌美輪奐更蒔花
竹貽長久藏經閣閱曉緜書族譜亭成夜呼酒才名後先滿南國不比虛名指
箕斗余家盈盈隔帶水累世交情誼稱厚三十年前枯菀分家運迤躓遘陽九
鄴籤兵火蕩餘劫陶逕柴桑慚世守老成頓盡人所嘆小子無承良自醜竭來
塵壒逐游惰筆墨祇用供奔走祖父遺書讀未成肯堂肯構夫何有詩成對君
三太息獨抱殘經莽回首

同淮江登東湖弄珠樓

但令興到便移船我得同游亦偶然疎磬晚潮孤影墜暖雲濃樹四垂天稱心
圖畫憑欄外經眼亭臺落照前却笑詩成無傑句驪龍依舊抱珠眠

過吳漢槎禾城寓樓

快事相看一笑真忽傳絕域有歸人劫灰已掃文星燦黨禁初寬士氣伸佳客
偶逢如有約時陳寄齋俞大文俱在座盛名長恐見無因廿年冰雪思鄉夢纔向田園過一

春漢槎將攜
家入燕

吳門喜晤梁藥亭

僕家海東君海南海道相距三千三有時憶君發遐想宜欲芒屨遊瓊儋故人

謂魏
馬平

金閨傳好語知是久客猶停驂買帆兩日風色順百花洲外波潭潭風塵

在顏刺銜袖咲口一豁心俱甘披襟更覺有深致黃鬚綠鬢垂鬢鬢名言霏微
齒牙潔絕勝香味飄迦楠小儒窘步不踰闕訓詰馴繞如衣蟬讀書已破十萬
卷可使蹤跡無窮探吳中此來凡兩度一一紗壁留精藍山塘四月天氣好輕
衫拂領來晴嵐家家綠陰轉黃鳥曷不載酒攜雙柑閉門却掃吟獨苦郢雪屬
和何人堪平生美好百不入正坐好古成奇貪知君力欲追正始三唐兩宋須
互參皮毛洗盡血性在願及有志深廟勤拙詩與君不同調小言未可誇詹詹
數篇見賞自京洛君愈降氣余彌慚匆匆人事促輕別欲去暫止噤清談紅綿
花開鷓鴣叫歸夢定繞枕椰庵

聲山姪自都下歸相見閩門舟次出荊州兄手札期余北游戲作一詩

以答

春冰一騎蹴滹沱柳色蘇臺握手過
鹵莽不須慚計拙驅馳真欲悔才多
吟紅日晏誰同調變徵聲移急和歌
每遇南轅頻問訊長安米價近如何

同祝豹臣及家西葦叔飲韜荒兄齋

高樹柴門景又遷小堂南北綠遮天
偶然不速來三客如此相思閱五年
居近人應疑卜晝路難吾轉愛歸田
棟花風急村橋暮欲散閒愁仗酒顛

養蠶行

去年收絲利倍三村中家家貪養蠶
蠶多桑少葉騰貴千錢一筐賣未甘
溫風吹蠶蠶易老滿箔三眠上山早
蠶娘一月不梳頭懶惰却輸辛苦好
東家採得繭如脂線向檐前索索吹西
家繭頭薄於紙一樣蠶桑兩樣絲將絲
換錢索官串無者價昂有者賤貧家衣食
天所慳別許居奇營巧宦卽今閩海尙
興師爭利人人學買兒聞道樓船皆市
舶買絲豈必盡蚩蚩

麥無秋行

三春雨多二麥荒鬱卷盡萎田中央大麥莖長穗未起小麥莖短葉早黃棟花
風過縑車傍憶得年時麥上場場乾日烈聲拍拍打麥作糜湯餅香腰鎌往刈
纔盈尺雉尾襪襪藏不得驚人角角渡水鳴別向原頭草間活可憐鴉鵲不知
時羣下荒疇覓餘粒我為老農語鴉鵲明年好收從爾食明年好收理則那只
愁無種將奈何

西園書屋順治丙戌燬於火瓦礫之場長養茨棘垂四十年比方有事
於墾闢既惜地力且以習僮僕之勤焉用東坡七首韻與潤木同作

池亭剩曩基長養藜與蒿中更四十載未盡株刺勞貧家供賦斂尺寸無所逃
焉能守石田鬱鬱希陰膏益利興由人棄捐成不毛旬來拾瓦礫積比頽垣高
赤日薰我顏白汗沾我背鉏荒如去病快得三年艾伊昔締構初春秋想高會
滄桑變時局草土少完塊誰歌蟋蟀詩蹶蹶職思外南山方朝躋厥象占蔚蒼
百年雖莫保三徑幸猶在給口荼蓼閒其甘等炙膾

生涯失習勞貴賤誰比數優游不堪事尚記前賢語主人既率先僮僕趾齊舉

給餐稱勤惰功力積毫縷種豆畦橫從種瓜架支柱所憂歲將旱六月竟無雨
澮畝一歉收何由載筐筥力惡不出身貨惡不出土尙恐機事牽高人未全許
陶家有田園三徑忍就荒籬落缺粗補東西互相望叢牙覆塊生一片蒼雲蒼
地力久不効新萌必繁昌未飽啄粟厲先防踏蔬羊望腹聊忍饑先疇胡敢忘
土性既有宜人情亦有適養材待椅桐孰若樹榛栗移根尋丈內本向鄰家乞
落實庶可期拙謀作乃逸舉羸力不逮何敢議築室灌園豈無人戢影勿輕出
此中足生事吾計今已必

惡木次第除丁丁響斤斲析薪祈克荷生子願愚慙我貧天所憐田舍免風雹

用北史王蒙傳事

隨爺課晨夕老圃庶可學先公垂訓在遠蹟企商嶽黽勉奉前編偏

傍敢駁犖勿言世業盡五畝澤已渥兄弟且同居相容在蝸角

用庚信小園賦中語

仲子性好遊旅食辭南村叔子嬾甘寢鼻息鳴西垣我介兩者間奇士羞王孫
有時事游惰挾瑟隨雍門有時賦歸來及見松菊存行者咏陟岡居者勸加飧

營身各有役出處且勿論若較杜樊川季強慚令昆

杜牧望故園賦云昆令季強兮鄉黨附

題朱子蓉六丈所藏張穆畫馬用黃山谷韻

綠楊風起驕不行低頭嚼環如有聲乾坤一線塵縱橫肉中帶骨筆力透不比東郊詩咏瘦苦憶尋常棧間豆青絲漫絡高家驄龍眠妙手亦老翁誰能更貌桃花紅

送唐殿宣之浦江學博任

琴書壓擔曉風清別路山行復澗行青髻功名秦博士白頭經義魯諸生月泉詩好篇篇秀寶掌峯奇面面晴勿對空梓嗟苜蓿如今驥足是初程

同韜荒兄飲鄭春薦齋

雲巖醉別忽經春重向吳山問主人陶侃登堂還拜母茅容爲具也留賓迴風却扇渾無暑急雨催詩若有神鸚鵡莫誇才子賦鄭家名擅鷓鴣新坐側有鸚鵡故戲及之

七夕同鶴江孝績序仔集淮江聽鶯齋

紅蓼蒼葭水一方到門松桂已迎涼燈前岐路天南北時鶴江初從山右歸屋孝績又將遊江右

角雙星夜短長雅集幾回逢好友離悰多半話他鄉當筵有客傷存歿不忍臨

風發酒狂

思右朝也

次谷兄自粵西扶先伯父櫬歸里二首

萬里行何畏歸來始泫然亂離成子孝危苦得天憐
淚盡干戈外魂驚瘴癘邊
路難經死地初不計生還

自古蒼梧道征人半舛棺撞豸啼赤子父老贈清官
竟返天南魄翻疑夢裏看
附書吾久望執手雜悲驩

彭南陔長沙寄書知其長郎越千已於去冬物故一詩當哭兼以相慰
鵬賦長沙痛未窮短書緘泪寄西風隔年別酒征衣爛幾日歸帆旅櫬同
善病
我曾憐久客未亡人又累衰翁畏途盡室成何事頭白君應悔斷蓬

雨中過董靜思山居

十里沿洄暮靄昏熟衣天氣半清溫
菰蒲響雨烟沈浦蘆荻迴船水到門
躍網
忽驚魚尾健墜簷初見橘頭繁
好山偏阻登高屐笑指郎家半日村

題陳允文圮橋授書圖小影

戰鬪功輸運籌亞英雄勇退神仙舍誰招四皓出商山我信留侯本儒者奇謨
祕策乃天授老父一編專聊假不然韜略世所知豈必傳從圮橋下陳生爾意
非好奇那將此景供圖寫志大何妨學賢聖時清未許談王霸披圖商略意何
如傳習師門計有餘

余與允文俱出姚江先生之門

眼前經術皆經濟莫問人間未見書

同人中秋集陳寄齋宅

南游我昨逢佳節兩度中秋瘴如墨去年對酒洞庭湖萬頃平波鋪練雪電光
一瞬等閒過倏忽還家又今夕良朋折柬邀共醉憐我匆匆復行色晚來微雨
過城西影落人衣月東出明河一洗秋容淨海氣天光較然劃街頭無人市聲
斂相國門前月尤白門前看月堂上歌白月紅燈互相射繡屏屈膝圍嬌面赴
節紅牙夜深拍沈沈簫管索索絲微動梁塵墮猶澁清商一線徐引去桂樹流
颺葉初脫此時中庭月停午窈窕穿簾巧相覓須臾腰鼓忽勾闌假面西涼羣
嘖嘖歡場冷落年數久對此翻令感蕭瑟却憶江湖載酒時蘆花深岸聞吹笛

故人顏色就歸夢羽短途長莽飛越此來會合殆天幸竿木逢場看跳擲徵歌
自笑膽氣粗起舞偏驚耳輪熱東南盤敦君眼見供帳如雲掃無迹獨留好景
付我曹莫向瑤臺話塵陌只愁客散月易斜人事蒼茫難料得來年作客知何
地此地來年召何客南枝棲鵲催五更東野寒蛩號四壁殷勤酌月還一杯珍
重清光照離別

過曹希文齋

怪底移家忽入城小堂幽事頗關情琴牀近海潮添潤茶榻分泉火就烹摩詰
園亭依畫稿建安人物入詩評也知習嬾便支戶不廢堦除有送迎

有感戲寄韜荒兄

格新曾被老元偷此外何堪說唱詠但到西園應秉燭不逢東野肯低頭故交
牛耳成孤憤棄婦蛾眉托四愁指一邑子博得美人開口笑暫時跛足也風流兄以酒後

傷足故戲及之

去夏余自黔東下與德尹相左於辰沅道中今德尹嶺外將歸余又有

西江之役二詩留寄

薄遊踪跡久沈吟
 準擬歸飛息故林
 別去無端隨末俗
 窮來何事愜初心
 書籤日過塵窺隙
 茶竈風迴響和琴
 一笑飄然仍作客
 竹窗閒殺是清陰

二頃田知戀洛陽
 眼中岐路等亡羊
 江風海雨愁頻結
 桂樹荆花感又長
 草草歸程雙爪跡
 勞勞別夢五星霜
 怪來出入如相避
 鄉國何時鴈作行

留別朱日觀祝豹臣朱與三陳寄齋王南屏家西崑叔韜荒兄眉山姪

二首

綠鬢西風幾遍吹
 許巢貧過少年時
用方干詩中語
 好官氣色車裘壯
 獨客心情故舊

疑近月江雲偏絢采
 未霜淮柳尚搖絲
 名場此日誰高步
 消得樊川贈別詩

渭城歌酒最纏綿
 存歿關心一黯然
 落日故人長笛賦
右朝歿已一年
 曉星同調斷鴻

天夢回露白移橙
 候路入秋紅剝棗
 邊任是登高何地
 好青帘那不憶羊川

西江集
起癸亥十月止甲子三月

萬里歸來繼逢儉
 歲家憲副伯方攝
 西江臬篆邀余入
 署自冬涉春周旋

六閱月爲治遊學之裝到家五日北行不欲浮沈鄉曲傷長者之惠也

將有南昌之行示兒建

我年二十九足不出鄉閭南舟阻錢塘北轅限姑胥循循守矩矱尺寸敢少渝
汝祖見背日戊午暮春初銜恤在終天有生不如無實擬奉成訓終身依墓廬
甞勉同汝叔食蒿甘齋如此意難自保饑寒旋相驅初心忽中變末俗誰諒余
麻鞋走從軍凶服尙未除自傷越禮教臨去還躊躇汝時年十二戀戀來牽袂
汝母病在牀強起縫衣襦爲我擇吉日勸我姑徐徐山林忍窮餓此事古有諸
奈何逐浪遊浪游計終迂我雖口不答含意鬱未攄恐喪丈夫勇一笑起跨驢
寇盜滿西南殺人棄土苴書生爾何恃急往不暫須輕命踏危疆鹵莽拚羈孤
雖無司馬才肯戀終軍縵邂逅關西公憐才等璠璣留我置幕府開誠使懷抒
初來荊州城漸入西南隅蹉跎戰爭地四載過際駒憶自前年冬洞庭上雙魚
吾叔又捐館訃音傳豈虛蠻燈黯淡花相對慘不舒天低嘯哀猿月黑號訓狐
開書忍再讀百感併集枯上念兩先靈窀穸未歸居下念汝曹長失學猶從渠

告歸策始決寧獨懷樵漁中丞知我真贈言借吹噓坐覺瘴癘掃清風拂長途
檢點篋中裝百金頗有餘束書戒行李觸熱我僕痛故人灑陽守開館留籃輿
不惜分俸錢寄歸慰妻孥命窮氣方傲却去同揮鋤行行百餘日始得還菰蘆
夜半叩柴扉犬吠雞羣呼門前五株樹綠槐間黃榆亂葉落我前忽驚秋又徂
入門拜靈几血淚交模糊舉頭汝在旁依稀記形模汝弟急欲見喚起髮未梳
見爺不識面反走牽娘裾對之重泗涕存沒傷心俱別離經喪亂泛若浮海鳧
得歸特天憐未歸敢自圖稍欣世業在斷蓬復依株繞屋十畝園桑下可種蔬
卽此勤學圃貧士有故吾都緣懶惰久力不任蓄畬室人免交謫官稅多積逋
倦羽又辭巢飄飄徼洪都仲氏久去家南北音塵疎季子資性矯青氈誤爲儒
齷齪小兒曹款段下澤車蟲蝦恣跳躍蝸涎活停潑翻唉尺水艱蛟龍困泥塗
男兒誇富有豈在堆倉庾願汝勤孝弟餘事到讀書孝弟乃本根根完花葉敷
章句粗能通已勝耕田夫煌煌京北後子孫雜賢愚五世澤未斬有生夫豈徒
不聞王僧虔鳳凰綴蠟珠崢嶸覘頭角少小志本殊十五號成童何況十六與

當時同隊者轉眼分龍豬
昏毋學汝父風塵厭微軀
厲人恐似己取火夜看雞
悔心用自警作詩焉敢誣

輓呂晚村徵君

屠龍餘技到雕蟲
賣藝文成事事工
晚就人誰推入室蚤衰君自合
稱翁才今漸少衣冠外名果難逃
出處中身後有書休論價也應少
作愧楊雄

黃晦木先生從魏青城憲副乞買山資將卜居河渚有詩十章志喜邀余同作欣然次韻亦如先生之數

黃竹先生今夏黃自離商嶽走踉蹌
青錢易長苔莓路畫藁頻移薜荔牆
未就丹砂顏屢換欲尋白社願難償
身經開寶流離後那問西川舊草堂
覆巢事過儼他生回首風波噩夢驚
碩果兩朝誰鬥健白頭一意自孤行
縱橫鉤黨清流禍峭藉風期月旦評
幾爲借柯憐病鶴羽毛如雪照人明
力圃雖艱勝力耘多時吟嶠望停雲
未完婚嫁何多累投老關河正失羣
菜把恩羞叨地主薦章名幸脫徵君
故人高義傾頽俗薄俸能爲卜築分

方丈蓬萊事不經收心風物到園亭紅蕖艷後蟬遺蛻黃菊開時鴈拂翎感遇
詩還工屬對垂簾卜屢驗奇零少微越國真高士移向吳天只一星

松木場遙路向西人言晷畫似西溪雨中綠樹雞豚柵霜後黃雲秔秫畦琴筑
鏗鏘聲落澗風花高下踏成蹊憑君指點神先王可待游人爲品題

數折溪橋兩版門也須插槿植籬樊閒攜翠竹紅藤杖晴晒牛衣犢鼻禪耕讀
新功兒解課漁樵故事客能援名香老研隨身具目擊誰知道亦存

樂事從來出苦辛錯將勞尾比枯鱗眼空身世殘碁劫日漏軒牕過隙塵方外
衣冠驚俗客夢中墳墓抵歸人碧幢紅堵村村徧肯咲繁華不稱貧

釣臺何必盡桐江牀下人來拜老龐隱几湖山歸四壁捲簾風雨到西牕花源
舊隱今何代白鶴新居卽此邦已約隣翁勤斬竹與排蟹楫打魚椿

一痕龜墨食江郊從此深居遠市朝椰子冠從方士借筍皮鞵赴老僧招定巢
屋角晨依鵲挾彈林端夜逐鴉馬跡車輪何處覓遁仙名籍在丹霄

樂澗時清且寤歌欠伸光景底消磨年豐米穀登場賤水闊魚蝦漏網多勿藥

肯教眠食減不祥端賴鬼神呵鷄豚預有登堂約慰我歸來與若何

武林哭萬充宗二首

武功十葉變儒風理學君家創甬東謂尊甫履安先生勳爵初除緣國破饑寒不出勝

途窮傳家同異參三禮君所著有學禮質疑絕筆春秋闕兩公近註春秋惟定哀未就耳四十九年君

勿負蓋棺餘恨未成翁

忘年交誼許忘形君自殷殷見古情看竹款門纔一宿去秋余自黔歸充宗同主一敬之見過一宿而

別別篝燈襍被每孤城充宗下榻海昌每入城未嘗不快對也無端汨落期難續前一日人遠書來有與充宗揮泪而

別之語如此人亡夢亦驚回首師門誰領袖慈湖風月可憐生

宿梨洲夫子武林寓舍即次先生丙辰九日同遊舊韻二首然未辨此

湖山憔悴哭新阡謂萬充宗何意蕭齋榻許連燈火夜長楓葉兩杖藜秋老菊花天

孤踪汗漫三年外萬事荒唐一笑前話到昆明殘劫罷又緣久別却淒然五

徑路先須辨陌阡眼中榛莽正鉤連肯攜芸蠹隨書局任放醯鷄覆甕天出處

心情三聘後滄桑人物兩朝前先生高臥貧何礙流俗知音恐未然

富春道中

烏柏林中霜撒華千樹萬樹圍村家門前紅葉掃還落白子著枝如白花寒雅
成羣啄不盡幾處飛出聲啞啞荒灣敗葦江忽轉鴈陣欲落整復斜青山正缺
天一面澹入無迹雲拖沙十年夢想富春渚指點圖畫空嗟呀豈知去家纔百
里足所未到如天涯人情貴遠每忽近往往耳目遺煙霞他年卜居恐未穩此
際覓句差堪誇江山秀絕客懷俗毋使擾擾同魚蝦

雨過桐廬

江勢西來灣復灣乍驚風物異鄉關百家小聚還成縣三面無城却倚山帆影
依依楓葉外灘聲汨汨碓牀間雨蓑烟笠巖陵近慚媿清流照客顏

睦州

過城灘更急直下匯分流樹色銜雙塔山形豁一州炭烟濃傍塢樵逕細通舟
風日晴尤好初冬似晚秋

泊茶園

危樓高百尺水落岸如山村市尙開店檣燈別占灣喜無塵點髻那用酒熏顏
漁笛能相就飄飄壓浪還

淳安謁海忠介祠

桐鄉遺愛在民自不忘公一邑清名著三朝直節同衣冠瞻古貌俎豆感村翁
此日流離意誰憐在野鴻

青溪口號八首

裊裊荇帶風疎疎浪花雨吳客過淳安逢人少鄉語
隔水聞語聲空中應來宵行到響山潭人人發清嘯
溪女不畫眉愛聽畫眉鳥夾岸一聲啼曉山青未了

來船桅竿高去船櫓聲好上水厭灘多下水惜灘少

家住溪東西共飲門前水對面不聞聲長灘響十里

十里長灘在界口司上

漁家小兒女見郎嬌不避日莫並舟歸鷓鴣方晒翅

橋壞竿繫繩水淺牛可跨牛背渡溪人須眉綠如畫

屯溪船上客前度去裝茶娶得東村婦經年一到家

威平鎮舊名青溪洞韓蘄王擒方臘處

舊日青溪洞英雄一戰歸江關留故壘草木震餘威路僻烽烟靜時平盜賊稀
悲笳吹薄莫峭壁冷斜暉

入歙州界

青山寒更高白日冬易暮篷脚影初斜濛濛入烟霧

鮎魚口中流一山俗名小普陀絕頂佛閣頗盡結攬之勝

神山海外絕經過此地名傳小普陀兩岸樓臺疑蜃氣中流日月隘鰲波桑田
有劫終成幻松頂盤空老作窩我是游人憐偶到鐘聲回首夕陽多

從屯溪坐竹筏至休寧縣

江路西來盡輕裝稱竹船人家新屋宇村落好山川沙塌魚跳岸蘆荒鴈下田
怕談兵火事猶記八年前

遊休寧城南落石臺

一片蒼雲護無端墮碧空離奇存石性刻畫憎人功
巖間刻石多俚鄙語只有朝陽到偏

過齊雲山麓

亂峯尊白嶽一水接青溪雲自香爐出天盤石磴低
勝游憑指顧倦路失攀躋
游子匆匆意征途只向西

晚至漁亭

小步聞名好到來頗覺煩鈴聲驢背米簾戶水窮村旅食豐年便方言晚市喧
黃茅山百折此路指祁門

祁門

二水走江湖下流極瀾翻濫觴不盈尺小縣同發源一支下錢唐余家東海鹽
直從朝宗處溯洄到山根西流入鄱陽鯨口愕然吞飄飄孤帆色帶雨辭烟屯
水流自相背客意難並論五丁誰能駢頑石劃與坤鏟除恐不勝徒費斧鑿痕
浩浩江湖流一道疾於奔關梁近增稅亦如石塞津寧觸石磯怒莫逢關吏嗔

君看商賈路辛苦趨祁門

木奴自發猴潭出倒湖

石惡狀爭變波喧勢就低小舟輕畏路百折下危溪
雪意雅先覺寒光霧易迷似聞魚米賤已過浙江西

浮梁縣

苦霧吞江去茫茫出遠津長程催短晷白骨散青燐
城小初經亂民愚久疾貧琵琶臨老妓容易嫁商人

景德鎮觀御窯瓷器歌

浮梁縣西開畫棟御廠燒瓷供輦送江天漠漠生黑雲
百竈烟浮日光動初看兩眼炫青紅夜入孤舟夢龍鳳
文成璀璨錯羽毛活勢健開張牙爪弄畫彩新添寶石
砢異光欲走黃金汞頗聞中使出三年十斛缸成選難
中至尊服御崇節儉珍錯屢却還方貢卽看嗜好非異
物器象雖精本日用同時玉瓚注黃流古玩金魚配清
供君不見宣成嘉萬舊官窯散落民間價自高博古圖
成曾進

御猶容款識傲前朝

登饒州鄱陽樓八韻

東北山根削西南地軸摧豫章帆不斷彭蠡鴈初迴再見孤城闢翻憐往日災
江湖銷戰伐荆棘妬亭臺旅望天邊豁雄心亂後灰殺霜冬旭暖釀雪曉雲開
欲去猶延竚無聊柰獨來未除豪氣盡飄蕩媿詩才

曉渡鄱陽湖

三更我夢滕王閣東北風高響簷鐸覺來舟子已開篷澹月微痕天一角須臾
湖面過如飛霜氣撲船人攬衣蒼茫烟霧來時路水底紅輪吐半規也知此景
殊不惡失意翻令感牢落少文四壁有江山何苦年年事飄泊

送又微姪自豫章東歸兼示德尹

垂老雙親驗鬢絲薄游仍欠草堂貲關河最左勞人計猿鶴能寬閉戶期落拓
生涯吾自笑滯留情事爾應知從教物論分優劣點檢初心也旋疑

錢玉友自嶺南來

萬里歸裝一葉身何緣相見即相親世無元九知音少客到東方自譽頻南北
弟兄愁急雪關山踪跡悔勞薪權輿殂落皆天意羽獵賦萬物權輿於內殂落於外眼底休輕

我輩人

玉友別後寄詩二首次韻奉答

會合洵有緣此會乃絕奇數言甫投分鼓勵兼箝錘同調世少人高論宜卑之
平生喜聞過指摘真吾師啓我腹笥草當君囊中錐刺骨實中病苦口俄舍鉛
自笑狂奴狂况抱癡叔癡來詩內一首示聲山者故及之全身受針砭豈獨論文詞勉強學新
粧未必盛副笄沈吟攬古鏡又恐嗤違時

浪游無近遠同作風塵面相顧眼雙青相期心一片勿嫌去住乖各要眠食健
布飄冰雪候風色五更戰青燈豫章城幾夜猶夢見書來感深愛金石矢不變
因君激壯志鍛羽敢辭倦來書期余同作都門之行

杜肇余侍郎巡海閩粵故人嚴子愿在其幕中道出南昌詩以贈別

短裘夜犯章江雪快馬嘶風三十驛梅花催促使臣鞍楊柳春旂看一色平生

未識侍郎面才子翩翩杜陵客與君昔別年月深約略歲書更六七余行絕徼
偶生還舌在逢人那堪說半生出處禍亂定萬事蹉跎謀算拙喜聞田橫出海
島旋見盧循免羈紲昔之滄海今桑田萬戶春耕破甌脫如君此去真壯遊幕
府從容借籌畫乾坤昇平我何樂差勝危疆事行役敝廬家世東海濱禁網佃
漁寬水國遲爾同歸作飽餐巨魚雪點吳鹽白時初開海禁

喜陳允文自故鄉至

十日春風釋硯冰客邊詩句擬催徵愛題僧舍紗籠壁恨事江城雪打燈壓擔
書兼行李重飄蓬感爲故人增西山晴色差堪望高閣何因載酒登

題聲山姪仗劍擁書圖

君不聞王喬厭世方盛年飄飄笙鶴緱山巔神仙尚須致身蚤何況富貴如流
泉爾生負奇學書劍三十頭顱行可見毛錐禿穎刀善藏毋乃多才累窮賤竭
來汗漫事遠游劍首一缺徧九州下澤車中羞識面跼鳶豈必皆封侯歸來勸
游凡幾日好酒好書兼好色明朝一笑又出門惘惘都非可憐別時清氣壯驕

不得依舊收身弄文墨有田不耕男已長無米能炊婦非拙何緣此日遂支扉
難免他年聊捉鼻柳條風軟記騎馬木榻香清夢調瑟余亦東西南北人圖中
光景增太息

元宵前一夕家觀察伯署齋小集次允文原韻

以下甲子

又作春燈宴他鄉共此筵盤分柑味美時有以四會柑相餉者月傍燭花妍故態逢人發

新愁被酒捐南州有懸榻我醉且同眠

與劉北海君與令季太史俱先大父門下士故篇中及之

我降庚寅月建午襪襪含飴及見祖升沈未定矩矱移荏冉今年三十五客塵
南北浪奔走家學淵源迷步武先子音容漸渺茫典型何處追王父小時猶記
竊餘論文集諸劉指堪數翰林風度杳莫即伯仲聲華憶明府布帆夜下十八
灘幾日春風到南浦頗聞人頌神明宰章貢循聲比卓魯劉時宰贛縣一城烟樹起
樓臺千里關河靜鞞鼓官閒往往飛鳧出緱嶺軒軒見霞舉此時我作豫章遊
却怪知名緣獨沮卽論世講屬前輩小子投謁固其所懷中一刺署姓名雙屐

逡巡阻春雨先生忘年復忘分先枉高軒訪羈旅下車相揖亦有人此事今亡
乃聞古修名不立行可媿半臂重交義奚取謂余當有祖父風不料頭顱尙如
許長身三世求形似毋乃遽戚嗟仰俯入門一笑想欲狂注目含情兩無語

章江舟次送李斯年赴湖南幕府二首

同學紛紛起布衣文章聲價剩珠璣怪來五十高常侍猶自隨人側翅飛
瀟湘歸櫂我匆匆重到如君又不同若對亂前談亂後不知誰識李元忠

楚黃陶忠毅公以世胄協守寧前衛癸未城陷公殉節焉事具合肥宗
伯行略其冢子上辛出公畫像索題用舊韻

已陷金城破玉門瓜沙河渭總啼痕捐軀幾輩曾當局抵掌何人不大言五代
鐵鎗傳畫像百年江月酌清尊李家降表尋常事話到書生惱夢魂

黃泥山村看桃同錢道耕倪上韓家兄子敬南城友日姪聲山

春洲雲煖烟濛濛天勢四垂濃靄中一望千檣萬檣外綠楊芳草交青葱沿洄
曲岸行數里小艇閣沙水忽窮捨舟聯袂赴村落勝境引入桃花叢迷離景光

耀平野爛熳高燄燒晴空穠華似慳微雨著繁蕊欲拆朝陽烘居民補綴好圖
畫屋茅籬竹家家同沙灣汀澗限南北徑路曲折迷西東老人衣冠稱古貌往
往負戴隨兒童隔花姹姪自呼伴笑語已斷迎迴風牛羊未歸隘巷靜雞犬亂
走柴門通武陵光景在人事但患放棹無漁翁兩頭絃管百壺酒醉夢一醒風
塵胸江村草堂我亦有頗笑此景他鄉逢韶華經眼况偶到有意留戀終匆匆
章江夕陽催晚渡水面回看紅雲紅

新柳詞和允文二首

輕烟和雨着梢頭萬縷千條作態柔落得游人春興懶遠遮鄉路近遮樓
桃花輕浪過花朝溪女提魚渡板橋一種紅腮多貫柳阿誰先挽最長條

次韻酬別聲山姪

讀書恨不搜大酉結客每慚稱小友命窮共落磨蝎宮木偶尋常嘲土偶身輕
勸翼尙江湖力困常鱗等淵藪蚤知去住兩牢落曷不杜門乃奔走章江二月
春風顛橫管孤吹折楊柳愁來襍被思決去貧戀家居恐難久青燈聽雨且鳴

雞白眼看雲又蒼狗醉眠夜夜長加股欲出朝朝還被肘行裝偶到急雪前歸
棹纔移禁烟後有生光景爾許過懷抱逢人詎堪剖酒尊一澆壘塊空如剖魚
鱉去乙丑山妻不須視儀舌俗子合訝哆衍口子今高堂况白髮好去稱觴酌
大斗天倫樂事古所難鬱鬱猶能居此否

疊前韻訓別友日兄

弟生庚寅兄乙酉五歲肩隨稱棣友兒時嬉戲失同羣稍長衣冠就參偶雞豚
近局接南北烟火深村望林藪余游故知生理拙君亦何爲轉蓬走夜雨燈挑
江上花春風夢繞門前柳男兒有懷莽未遂樓指半生時已久未能扣角事騎
牛抑且埋名作屠狗不爾合甘原憲分鶉結從渠見襟肘誰令志氣自摧頽漫
著征衣隨短後君平季主世人眼底升沈向誰剖頭盤叫噪杼狂憤笑聽更
籌移子丑忽然顧影還自憐氣塞神傷箝在口豈應美好長貧賤定有光芒射
牛斗勸君自信當益堅適野不須謀可否

三疊前韻留別恭庵兄

黃雞白日移卯酉失學無端負師友名微自甘時所棄命隻敢嗟吾不偶

出李廣傳

注惟兄諒我謂我真野鳥心終戀郊藪君家如圃大可憶螯石開池煩下走竭

來搔首動鄉思想像春天好花柳阿翁官高諸子秀世業平泉必長久余也先

疇漸拋棄態虎何當子命狗從教久瘦帶寬圍遑問長貧衣露肘低顏分出古

人下尙冀鞭羊視其後愛君玉樹臨風前老蚌明珠一雙剖杜陵兩男養無益

少長何堪集癸丑八百桑株十具牛經營無物貽黃口願君綵衣侍歸駕莫謾

折腰爲五斗某丘某水記釣遊許我題詩草堂否

四疊前韻謝別允文

與君訂交從己酉鄉社無多推益友文瀾一篇論警策詩格千言誇對偶白眉

三馬人所畏

北史馬子廉兄弟三人皆能文時有三馬皆白眉之譽

昆友聯翩出才藪余時懷槩初出遊

未免籍湜汗且走蘭苕翡翠爭秀句何異飄風孺垂柳登場鹵莽拙用長堅壁

逡巡困持久鏗舟已往莫求劍畫虎雖成終類狗君今落筆更老成斂手薑芽

看運肘但思上第慰眼前肯顧虛名計身後精金百鍊行自惜璞玉一圭猶待

剖丁年行笈記癸辛甲族科名豔丁丑謂允文從祖素菴相國未能飽飯便汝腹也學饑

驅餽我口客中告別別倍難濁酒直須傾一斗暫留幾日辦歸裝長說倦遊今

果否

同聲山姪過羅飯牛禮洲草堂別後賦寄用昌黎寄盧同韻

先生老向塵埃裏有志竟成高蹈矣衣冠已與世人同猶自芒鞋高屐齒竹溪

羅舊居地名茶園寬十畝春雨分膏給妻子清風七椀生冠石寧都冠石茶出飯牛手製者品在顧渚上

絕跡杜門凡二紀買山定有賣山人窮乃辭鄉奚足恥舊莊唱和傳裴迪亂國

流離傷董祀巢由逃世事果難身未出山名滿耳一聲長嘯落天半散作雲烟

隨處士都無猿鶴愧林巒絕少鷄豚餽鄰里獨攜筆墨與人際堅臥有時呼不

起南州懸榻尋常下小技似可供驅使彼皆金夫勢力求未許感恩況知己豈

惟落筆不輕易立品潔身從此始淨明菴主石田翁前輩風期看未已半生衣

食天故吝稍稍芻薪給驟駟硯田一片歲有秋食力聊用代耘耔先生猶云吾

負疚癩惰無端釋良耜故人往赴河陽幕本不希心榮撫仕先生療貧策又奇

獨往孤行竟誰恃禮洲草堂地清絕見說賃春連圯址易堂人物近無多把臂
此來君準擬萍踪怪底成相左兩雪殘冬悵無似朝朝江口望歸帆百日奚童
覓生趾春深沙漱停烟榜有客忽傳君至止廿年馳想結深企欲致高人我何
以急呼阿咸山聲徑造門渴馬奔泉勢難俟先生應門無五尺反鎖柴荆入村市
歸來蕭寺忽相逢一臂初交乃狂喜招呼雙屐過江閣草草杯槃有真理乞君
畫稿幸不辭謂我頗可尋涯淡斯人不因筆墨重獨行自足傳野史卽從畫品
論高下清矯寧讓營丘李我詩不工何足酬別後空慚寄雙鯉

芙蓉庵水亭

徑轉春陰午未移小亭如蓋俯漣漪柳邊風到鱗鱗活鏡裏欄開面面宜欲去
興狂呼酒伴重來緣淺看花時此間著我真塵俗何用多留疥壁詩

清明風雨舟發南昌允文聲山追送於江干更以數言留別

竹鷄啼苦催清明滕王閣前春水生西山高入雲霧裏雨勢下壓洪州城桃花
杏花半狼籍岸柳自拂孤舟輕連朝有約同買棹二子未果余徑行雲山欣欣

赴歸路烟樹漠漠愁離程布帆風急不肯住到家正及聽新鶯

康郎山功臣廟十四韻

疇昔驅除會英雄想像間驛移青雀舫酒灑白茅灣鷹隼搏空擊鯨鯢授首還
波濤經虎尾矢石避龍顏一戰西南定羣公策力閒死方開國運生不點朝班
紀信無遺恨曹成本世官顯榮裹後裔茅土愴重頒奕葉將軍樹

廟前古槐相傳明太祖破

偏漢時封爲將軍

中流砥柱山炎風焚鐵券石馬嚼金環黃屋今無跡朱旗閃尙殷太

平何事業要害此江關廟貌瞻嚴肅時情易險艱興亡他日事清泪獨潺潺

餘干道中

新烟幾點散晴霞遠岸殘桃晒網家莎草一汀長帶鷺湖田二月已鳴蛙葱葱
曉日銜山秀裊裊春風赴柳斜自咲薄遊緣底事漲痕空記去年沙

昌江竹枝詞八首

浮梁縣西山漸平浮梁縣東水更清濛濛天氣長如雨臥聽前灣水碓聲
蓋石碾碾轉輓驢舂砂淘碓有精粗年來御廠添窰戶不種山田另起租

櫻欄葉瘦芭蕉肥菜花半開桃李稀背山園圍蜜蜂出近水人家燕子飛
穀雨前頭茶事新提筐少女摘來勻長成嫁作隣家婦勝似風波盪槳人
船頭船尾不多高盡日爭先走怒濤博得夜來春睡熟一篷烟兩半枝篙
小兒灘頭水沒磯幾點雨著行人衣草煙迎岸翠撲撲牧笛未歸鵝鴨歸
一繩飛界兩山頭積石排椿抵截流驚起野鷗鷓箇個五更風浪網初收
村殺山家唱四時本鄉歌好少人知愛他曲水如巴字別與新詞譜竹枝

齊雲山六絕句

仄徑丹梯萬仞懸石楠擁蓋不知年不因鐵笛吹山裂那得游人到洞天
兩織龍梭香作涎四時不斷吐飛泉藕絲簾子玲瓏影捲起晴雲別有天
兩峯獅象對崢嶸鐘鼓聲中玉座清夜夜河魁瞻北闕羽衣天半坐吹笙
禹鼎神姦散九州誰教一柱峙丹丘白雲已鎖塵寰斷還有香烟在上頭
急歸悔不上匡廬辜負峯南大小孤怪事此來仍滿願已看五老又三姑

右天門

右水簾洞

右真武殿

右香爐峯

右五老三

姑峯

輕身直上挾天風，雨外天都望。或封安得近南長，見日與排三十六芙蓉。

右紫霄崖

武林寓樓與德尹夜話

迎面蛛絲落幾番，每從遠信報平安。各驚顏狀他鄉換，一落江湖戢影難。犴鳥蠻花天萬里，朔雲邊雪路千盤。六年踪跡連牀話，大似羌村夢夜闌。

立夏前三日集汪寓昭願學堂兼留別姚天寰顧九恆沈昭嗣陳廣陵

章豈績馮文子嚴定隅及家德尹時余將入燕二首

一櫂江城又隔年，春雲春樹記尊前。故鄉樂事留高會，獨客關心奈別筵。與罷

艷歌重按拍，酒闌孤月正當年。來事事輸人後齒，序慚居六子先。

同會十人，余齒在第四

四

綠酒紅燈促坐深，無多同調况知音。琢磨頗望成全璧，激烈何須到碎琴。起舞

自憐中夜影，急觴難緩此時心。軟塵十丈騎驢去，怕被人傳倚樹吟。

出莊子注

西水讌集留別姚夢虹宋受谷張王士張介山邵翼雲金子由吳震一

卓次厚九如

南路風濤北路塵歸隍纔泊復征輪三秋斷梗如遊跡一座清風抵故人壁壘
降旗文戰罷乾坤攬轡客懷新天涯珍重臨歧意只有貧交不諱貧

敬業堂詩集卷四

一賦心機又謂主香室者樹法宜前治樹樂事留高會
章句斷斷文字道法即又索駢天朝來騷人漢三百
立言前三日美玉書以釋學堂卷四除天黃應成
清六萬里成雲斷雲散十道六五穀根豈林境大
按面林絲草幾各年樹樹前樂平定各營廣地
方林萬對地勢一安論

得良直士對天風雨於天襟發有從是辭改南長良日與附三十六英